

四庫全書

集部

欽定四庫全書

五百家注昌黎文集卷二十一

宋 魏仲舉 編

序

送區冊序

補注集有送區弘南歸詩說者謂冊即弘也其說見於送弘南歸詩區音歐區治子之後
舊本皆作區今
本作歐弘誤矣

陽山天下之窮處也

祝曰陽山縣名屬連州

陸有丘陵之險虎豹之虞

水有江流悍急橫波之石廉利倖劒戟作一舟上下失勢破

碎淪溺者舟下一有之字往往有之縣郭無居民官無丞尉夾江荒

茅篁竹之間韓曰篁竹田也。一本云荒榛茅竹之間又一本篁字作叢小吏十餘家皆

鳥言夷面孫曰鳥言語如鳥獸也嚴曰後漢度尚傳深林遠藪椎髻鳥語之人注鳥語謂聲似鳥也始至

言說不相通畫地為字然後可告以出租賦奉期約是以賓

客游從之士無所為而至為于偽切愈待罪於斯且半歲矣樊曰貞元

二十年公有區生者誓言相好自南海拏舟而來祝曰拏牽也女加切

又女升自賓階儀冠甚偉冠一作觀坐與之語文義卓然莊周云

書切

逃空虛者聞人足音蹙然而喜矣

孫曰莊子徐無鬼篇之文蹙然行聲許恭切

况

如斯人者豈易得哉

一作邪

入吾室聞詩書仁義之說欣然

喜若有志於其間也

於一作乎

與之翳嘉林

翳隱也與上一有且字

坐

石磯投竿而漁陶然以樂

一作而樂

若能遺外聲利而不厭乎

貧賤也歲之初吉

孫曰貞元二十一年正月○吉一作告

歸覲其親

覲一作拜

酒壺既傾序以識別

識一作為嚴曰識音志

送張道士序

并詩

樊曰公逸詩有飲城南道邊古墓上逢中丞過贈兵部衛員外少室張道士豈此道士邪

張道士嵩高之隱者

高一作陽又作南一本又作嵩高之有道者

通古今學

有文武長材寄跡老子法中為道士以養其親九年間

朝廷將治東方諸侯

嚴曰東方諸侯謂吳元濟也一無諸侯二字

貢賦之不

如法者

孫曰元和九年閏八月淮南節度使吳少陽卒其子元濟自為留後詔山南東道節度使嚴綬

等討之

三獻書不報長揖而去京師士大夫多為詩以贈

而屬愈為序詩曰

大匠無棄材尋尺各有施況當營都邑杞梓用不疑張侯嵩高來面有熊豹姿開口論利害劒鋒白差差恨無

一尺棹

祝曰棹杖也莊子一尺之棹。一本作筴又一云手恨無尺筴。

為國答羌夷詣

關三上書臣非黃冠師臣有膽與氣不忍死茅茨又不媚笑語不能伴兒嬉乃著道士服衆人莫臣知臣有平

賊策狂童不難治

平聲

其言簡且要陛下幸聽之天空日

月高下照理不遺或是章奏繁裁擇未及斯

一作期

寧當

不俟報歸袖風披披答我事不爾吾親屬吾思昨宵夢

倚門

樊曰戰國策王孫賈母曰汝朝出而晚來則吾倚門而望汝暮出而不還則吾倚閭而望

手取

連環持

孫曰持連環以示還意

今日有書至又言歸何時霜天熟

柿栗收拾不可遲嶺北梁可構寒魚下清漪

一作伊

既非

公家用且復還其私從容進退間無一不合宜時有利不利雖賢欲奚為但當勵前操富貴非公誰

送高閒上人序

韓曰贊寧高僧傳云閒為程人克精書字宣宗嘗召入對御草聖遂賜紫衣後歸湖州開元寺終焉閒嘗好以雪川白紵書真草為世楷法

苟可以寓其巧智使機應於心不挫於氣則神完而守固雖外物至不膠於心

膠亂也

堯舜禹湯治天下養叔治

射

孫曰養叔養由基楚人史記養由基善射去柳葉百步射之百發百中

庖丁治牛

補注莊子

庖丁為文惠君解牛文惠君曰善哉技蓋至於此乎

師曠之於聲

孫曰曠字子野晉平公時

人

扁鵲治病

孫曰扁鵲即秦越人晉昭公時人

僚之於丸

孫曰莊子市南宜僚弄丸

而兩家之難解秋之於弈

孫曰孟子奕秋通國之善奕者也秋其名也

伯倫之於酒

孫曰劉伶字伯倫晉人

樂之終身不厭奚暇外慕夫外慕徒業者

皆不造其堂不啻其蔽者也

補注啻嘗也蔽大嚮也禮左穀右蔽○啻在誼切蔽

側吏切往時張旭善草書

孫曰旭蘇州吳郡人樊曰新史張顛傳顛嗜酒每大醉叫呼狂

走乃下筆或以頭濡墨而書既醒自以為神○一作喜草書

不治他技喜怒窘窮憂

悲愉佚怨恨思慕酣醉無聊不平有動於心必於草書

發之

書下一有焉字

觀於物見山水崖谷鳥獸蟲魚草木之花

實日月列星風雨水火雷霆霹靂歌舞戰鬥天地事物

之變可喜可愕一寓於書

樊曰顛自言見公主檐夫爭道又聞鼓吹而得筆法意觀

倡公孫舞劍器得其神

故旭之書變動猶鬼神不可端倪

孫曰謂不可測

其端倪也

以此終其身而名後世今閒之於草書有旭之心

哉不得其心而逐其迹未見其能旭也為旭有道德利害

必明無遺錙銖

孫曰錙銖小貌六兩曰銖

精炎於中

精一作情

利欲鬬進

有得有喪勃然不釋然後一決於書而後旭可幾也今

閒師浮屠氏一死生解外膠

歐本作繆

是其為心必泊然無

所起其於世必淡然無所嗜泊與淡相遭顏墮委靡潰

敗不可收拾則其於書得無象之然乎

補注東坡送參廖詩云退之論

草書萬事未嘗屏憂愁不平氣一寓筆所騁顏怪浮屠人視身如丘井顏然寄淡泊誰與發豪猛正謂此一段

立意也

然吾聞浮屠人善幻多伎能閒如通其術

閒下一有師字

則吾不能知矣

送殷侑員外使回鵲序

韓曰元和十二年二月遣回鶻摩尼僧等歸國因命宗正少卿李孝誠使回鶻以太常博士殷侑副之侑陳郡人貞元末及五經第其學長於禮及至回鶻責可汗無禮虜憚其言

○侑
音又

唐受天命為天子凡四方萬國不問海內外無大小咸

臣順於朝

一本無於字

時節貢水土百物大者特來小者附

集

孫曰謂小國不能自致因大國行得朝貢故曰附集

元和睿聖文武皇帝既嗣

位

樊曰憲宗元和三年正月上此尊號

悉治方內

祝曰方內四方之內

就法度十二

年詔曰四方萬國惟回鶻於唐最親

嚴曰肅宗之後兩京藉回鶻之師助

馬故言於
唐最親

奉職尤謹丞相其選宗室四品一人持節往

賜君長告之朕意又選學有經術通知時事者一人與

之為貳由是殷侯侑自太常博士遷尚書虞部員外郎

兼侍御史朱衣象笏承命以行

樊曰唐史所書事與此同惟史記八年而此云

十二年史云遷遷虞部員外郎而此云遷虞部員外郎以行不同耳當以此序為正

朝之大夫莫

不出餞酒半右庶子韓愈

樊曰元和十一年五月公為太子右庶子

執盞言

曰殷侯

一作殷大夫

今人適數百里出門惘惘

嚴曰惘惘失志貌文紡切

有離別可憐之色持被入直三省

集注直謂直宿三省見論語吾日三省吾

身○三蘇暫反省息井切
持字宋景文公作襍字

丁寧顧婢子語刺刺不能休

洪曰或云持被入直當為句絕宋景文公云襍被入直
三省丁寧顧婢子語刺刺不能休婦順夫旨子嚴父詔
耕於寬閒之野釣於寂寞之濱此等皆新語也祝曰刺
刺語聲選風威刺刺二字並音盧達切韓曰當音七迹
切前輩言杜詩韓文無一字無來處潘岳閑道謠
云和嶠刺促不得休公語疑出此前一音非是

今子

使萬里外國獨無幾微出於言面豈不真知輕重大丈
夫哉丞相以子應詔真誠知人矣士不通經果不足用
於是相屬為詩以道其行云

送楊巨源少尹序

集注巨源新舊史無傳藝文志云字景山貞元五年第進士長慶中為河中少尹按張籍有送楊少尹赴河中詩云官為本府當身榮固得還鄉任野情蓋河中也

昔疏廣受二子以年老一朝辭位而去于時公卿設供帳祖道都門外車數百兩道路觀者多歎息泣下共言

其賢漢史既傳其事

孫曰疏廣字仲翁兄子受字公子宣帝時廣為太子太傅受為少傅

元康二年上疏乞骸骨許之公卿故人設祖道供帳東都門外送者車數百兩道路觀者皆曰賢哉二大夫或歎息為之泣下而後世工畫者又圖其跡至今照人耳目赫赫

若前日事國子司業楊君巨源方以能詩訓後進

洪曰白樂

天贈楊秘書巨源詩云早聞一箭取遼城相識雖新有
故情清句三朝誰是敵白頭四海半為兄注云楊嘗贈
盧洛州詩云三刀夢益州一箭取遼城由是知名樊曰
因話錄云張洪靜三世掌書命在台生前代未有巨源
贈詩云伊陟無聞祖韋賢不到孫時稱其能興張說家
門又云巨源在元和中詩詠不為新語體律務實工夫
頗深以高文為諸生所宗公序
所謂以能詩訓後進即此也 一旦以年滿七十亦白

丞相去歸其鄉世常說古今人不相及今楊與二疏其
意豈異也予忝在公卿後遇病不能出不知楊侯去時

城門外送者幾人車幾兩馬幾駟

歐宋本作匹

道邊觀者亦

有歎息知其為賢以否而太史氏又能張大其事為傳

繼二疏蹤跡否

一無否字

不落莫否見今世無工畫者而畫

與不畫固不論也然吾聞楊侯之去丞相有愛而惜之

者署以為其都少尹

孫曰丞相謂河中節度都即河中也○一無署字

不絕其

祿又為歌詩以勸之京師之長於詩者亦屬而和之

孫曰

張籍亦有和裴司空酬蒲城楊少尹詩

又不知當時二疎之去有是事否

古今人同不同未可知也中世士大夫以官為家罷則

無所歸

歸上一有於字

楊侯始冠舉於其鄉歌鹿鳴而來也今

之歸指其樹曰某樹吾先人之所種也某水某丘吾童

子時所釣遊也鄉人莫不敬誠子孫以楊侯不去其

鄉為法

誠一作戒
鄉一作家

古之所謂鄉先生沒而可祭於社者

其在斯人歟其在斯人歟

此句一無
其在字

送權秀才序

樊曰公時佐汴州權自汴
舉進士京師送以此序

伯樂之廢多良馬

樊曰孫陽字伯樂
秦穆公時人也

卞和之匱多美玉

韓曰卞和楚人獻玉於武王別左足又獻於文王別右
足至懷王時抱其璞哭于郊王使玉人攻之果得玉

卓犖瓌怪之士

怪一作奇

宜乎遊於大人君子之門也相國

隴西董公

一無董字

既平汴州

孫曰貞元十二年七月以隴西公董晉為宣武軍節度使

平汴州之亂

天子命御史大夫吳縣男

縣一作郡下同

為軍司馬

孫曰

是年八年以汴州刺史御史大夫吳縣男陸長源為節度行軍司馬使

門下之士權生實

從之來權生之貌固若常人耳其文辭引物連類窮情

盡變宮商相宣金石諧和

一作聲

寂寥乎短章春容乎大

篇

補注春容大貌禮曰待其春容然後盡其聲

如是者閱之累日而無窮焉

閱一作聞愈常觀於皇都每年貢士至千餘人或與之遊或

得其文

一有者字

若權生者百無一二焉如是而將進於明

有司重之以吳縣之知其果有成哉於是咸賦詩以贈之

送李正字歸湖南序

集注正字即仁鈞之子礪也貞元十九年登進士第元和初為秘書省正字湖南觀察推官公分司東都礪自湖南請告來觀其父於其還公以詩及序送之詩見第四卷末○一本或作送湖南

李礪正字序

貞元中愈從太傅隴西公平汴州

孫曰貞元十二年七月以董晉鎮宣武平

李迺之亂

李生之尊父以侍御史管汴之鹽鐵

孫曰礪父仁鈞知河陰院

日為酒殺羊享賓客。李生則尚與其弟學讀書習文辭。

以舉進士為業。愈於太傅府年最少。

樊曰：公年二十九。

故得交

李生父子間。公薨。軍亂。軍司馬從事皆死。

樊曰：貞元十五年二月。晉

卒。軍亂。殺行軍司馬陸

侍御亦被讒為民。日南

孫曰：仁鈞為人。

長源判官孟叔度等

所告流愛州。○曰：一作由一作嶺。嚴

其後五年愈又貶

曰：驩州日南郡一本作由南非也。

陽山令

孫曰：貞元十九年。

今愈以都官郎

一作都官員外郎。

守東都省

侍御自衡州刺史為親王府長史亦留此掌其府事。

一無

亦此二字

李生自湖南從事請告來覲於時太傅府之士惟

愈與河南司錄周君獨存

孫曰周君名君巢時為河南府司錄參軍。一本君下有

巢字其外則李氏父子相與為四人離十三年

孫曰時元和六年嚴

曰自貞元已卯至元和庚寅才十三年耳此言十三年豈退之與礎別在戊寅歲乎幸而集處得

燕而舉一觴相屬此天也非人力也侍御與周君於今

為先輩盛德

威一作成

若李生溫然為君子有詩八百篇傳

詠於時惟愈也業不益進行不加修顧惟未死耳往拜

侍御謁周君抵李生退未嘗不發媿也

一無退字

往時侍御

有無盡費於朋友及今則又不忍其三族之飢寒聚而

館之疏遠畢至祿不足以爲養李生雖欲不從事於外
其勢不可得止也重李生之還者皆爲詩愈最故故又
爲序云

一作之

送石洪處士赴河陽參謀序

孫曰洪字濬川洛陽人罷黃州錄事參軍退
居于洛十年不仕及是爲河陽參謀補注歐
公云洪始終無可稱而名重一時以嘗爲
退之稱道耳○一本謀字作謨序作詩序

河陽軍節度御史大夫烏公爲節度之三月

韓曰元和五年四月

詔用烏公重商爲河陽軍節度使御史大夫治
孟州其曰節度之三月則是歲六七月間也

求士於

從事之賢者有薦石先生者公曰先生何如曰先生居

嵩邨瀍穀之間

孫曰嵩邨山名瀍穀水名皆在洛陽之境穀即澗水書云卜澗水東是也後改

名澗冬一裘夏一葛

一作食字

朝夕飯一盂蔬一盤人與之錢

則辭

一作免

請與出游未嘗以事免

一作辭

勸之仕

一作任

則

不應坐一室左右圖書與之語道理辨古今事當否論

人高下事後當成敗

後一作復

若河決下流而東注

一無而字

而

下流而東注五字

若駟馬駕輕車就熟路

熟一作夷

而王良造父為

之先後也若燭照數計而龜卜也

卜下一有兆字

大夫曰先生

有以自老無求於人其肯為某來邪從事曰大夫文武

忠孝求士為國不私於家方今寇聚於恒師環其疆

孫曰

元和四年三月成德軍節度王士真卒其子承宗叛十二月詔吐突承瓘率諸道兵討之樊曰地理志鎮州恒

山郡本恒州天寶元年更名鎮成德軍所治也

農不耕取財粟殫亡吾所處地

歸輸之途

歸一作師

治法征謀宜有所出

所一作主

先生仁且勇

若以義請而彊委重焉其何說之辭於是謾書詞具焉

幣卜日以授使者求先生之廬而請焉先生不告於妻

子不謀於朋友冠帶出見客拜受書禮於門內宵則沐

浴戒行李

一作事 嚴曰左氏傳僖三十年曰君舍鄭以爲東道主行李之往來杜注行李使人又襄

八年曰亦不使一介行李告於寡君注行李行人也

載書冊問道所由告行於常

所來往晨則畢至張筵於上東門外

孫曰上東門洛陽城門名

酒三

行且起有執爵而言者曰大夫真能以義取人先生真

能以道自任決去就爲先生別又酌而祝曰凡去就出

處何常

一無凡去就三字

惟義之歸遂以爲先生壽又酌而祝

曰使大夫常無變其初無務富其家而飢其師無甘受

佞人而外敬正士

一無敬字

無味於諂言惟先生聽

生下一有是字

以能有成功保天子之寵命又祝曰使先生無圖利於

大夫

圖一作固

而私便其身先生起拜祝辭曰敢不敬蚤夜

以求從祝規於是東都之人士咸知大夫與先生果能

相與以有成也遂各為歌詩六韻

公詩見第四卷

遣愈為之序

云

樊曰洪之河陽幕府之明年召為京兆昭應尉集賢校理又明年六月卒於是公誌其墓

送溫造處士赴河陽軍序

樊曰造字簡與

大雅之五世孫

伯樂一過冀北之野

祝曰左氏傳云冀之北土馬之所生

而馬羣遂空夫

冀北馬多於天下伯樂雖善知馬安能遂空其羣邪一無

遂解之者曰吾所謂空非無馬也無良馬也伯樂知馬

遇其良輒取之羣無留良焉苟無留其良雖謂無馬不

為虛語矣東都固士大夫之冀北也懷材能深藏而不

市者

懷一作恃

洛之北涯曰石生

石生石洪

其南涯曰溫生

溫生即造

嚴曰石洪字濬川溫造字簡與二處士皆居洛陽北涯曰石生南涯曰溫生即贈盧仝詩所謂水北山人水南

山人是也

大夫烏公以鉄鉞鎮河陽之三月以石生為才以

禮為羅羅而致之幕下未數月也以溫生為才於是以

石生為媒以禮為羅又羅而致之幕下東都雖信多才

士朝取一人焉拔其尤暮取一人焉拔其尤自居守河

南尹

韓曰居守謂東都留守鄭餘慶

以及百司之執事與吾輩二縣之

大夫

孫曰東都郭下二邑洛陽河南也公為河南令

政有所不通事有所可疑奚

所咨而取焉士大夫之去位而巷處者誰與嬉遊小子

後生於何考德而問業焉搢紳之東西行過是都者無

所禮於其廬若是而稱曰大夫烏公一鎮河陽而東都

處士之廬無人焉豈不可也夫南面而聽天下其所託

重而恃力者唯將與相耳相為天子得人於朝廷將為天子得文武士於幕下求內外無治不可得也愈縻於茲不能引去

能下一有自字

資二生以待老今皆為有力者奪

之其何能無介然於懷邪生既至拜公於軍門其為吾以前所稱為天下賀

其一作具

以後所稱為吾致私怨於盡

取也留守相公首為四韻詩歌其事愈因推其意而序

焉

樊曰造文宗朝終禮部尚書

送鄭權尚書序

孫曰權汴州開封人
貞元六年舉進士第

嶺之南其州七十其二十二隸嶺南節度府其四十餘

分四府府各置帥然嶺南節度為大府

孫曰嶺南節度使統桂管容管

安南邕管四經略使號為五府

大府始至四府必使其佐啟問起居謝

守地不得即賀以為禮歲時必遣賀問致水土物大府

帥或道過其府府帥必戎服左握刀右屬弓矢

孫曰屬著也左

氏右屬韃素韃即威弓矢之器屬之六切

帕首袴鞬

帕莫轄切鞬許茹切

迎于郊及既

至大府帥

一有先字

入據館帥守屏

祝曰屏猶牆也必郢切

若將趨入

拜庭之為者大府與之為讓至一至再乃敢改服以

賓主見適位執爵皆興拜不許乃止虔若小侯之事大

國有大事咨而後行隸府之州離府遠者至三千里懸

隔山海使必數月而後能至蠻夷悍輕易怨以變其南

州皆岸大海多洲島飄風一日

飄字一作飄
飄字與帆同

踔數千里

視曰踔踔疾行貌
勅角切又勅教切

漫濶不見蹤跡

一無濶字

控御失所依

險阻結仇黨

一無仇字

機毒矢以待將吏

將一作仇

撞搪呼號

撞搪

搪探也上徒江切下音唐字

以相和應蜂屯蟻雜不可爬梳

爬蒲瓜切與杷

同
好則人怒則獸故常薄其征入簡節而疎目時有所

遺漏不究切之長養以兒子至紛不可治乃草薶而禽

獮之

孫曰周禮有薶氏掌殺草獮亦殺也祝曰秋田為獮周禮遂以獮田○薶音替又音堆獮息淺切

盡根株痛斷乃止其海外雜國若耽浮羅

耽音耽祝曰自此以下皆

東南海流求毛人夷亶之州

孫曰山海經海外有毛民之國郭璞云臨海東南二

千里有毛人在大海中洲島上吳孫權黃龍二年使人浮海求夷州亶州在海中所在絕遠卒不可至但得夷

州數千人還

林邑扶南真臘于陀利之屬

孫曰林邑一曰環玉在交州南海行

三千里真臘一曰吉蔑在林邑西北去京師二萬七百里

東南際天地以萬數或時

候風潮朝貢

一無潮字

蠻胡賈人舶交海中

祝曰舶大舟也李虔風俗通云

晉曰舶音白。一作交舶其海中。

若嶺南帥得其人則一邊盡治不相

寇盜賊殺無風魚之灾水旱癘毒之患外國之貨日至

珠香象犀玳瑁

嚴曰玳瑁如龜生南海大者如蓬蔕背上有鱗鱗大如扇有文章將作器則煮

其鱗如桑毛

奇物溢於中國不可勝用故選帥常重於他鎮

非有文武威風知大體可畏信者則不幸往往有事長

慶三年四月以工部尚書鄭公為刑部尚書兼御史大

夫往踐其任

孫曰長慶三年四月權為嶺南節度使

鄭公嘗以節鎮襄陽

孫曰元和十一年七月又帥滄景德棣孫曰十三年四月權為山南東道節度使

史德棣滄歷河南尹華州刺史孫曰初權自河南尹帥山南東道為華州刺史

皆有功德可稱道入朝為金吾將軍散騎常侍孫曰元和十四

年十一月權為右金吾衛大將軍充工部侍郎尚書孫曰

左衛使穆宗即位改左散騎常侍長慶元年權自河南尹入為工部侍郎二年十月遷本曹尚書家屬百人無數畝之宅

僦屋以居孫曰權以家人數多俸入不足求為鎮守可謂貴而能貧樊曰左氏襄公

二十二年傳鄭公孫黑肱曰生為仁者不富之效也樊曰

子亂世貴而能貧可以後亡為仁者不富之效也樊曰權至

為仁不言語見孟子傳言權用度豪及是命孫曰權至是除檢校

右僕射廣州刺史嶺南節度使樊曰傳云檢校僕射而序止云兼御史疑權兼御史以往而其後始進檢校僕射也朝廷莫不悅將行公卿大夫士苟能詩者咸相率為

詩公詩見第十卷

以美朝政以慰公南行之思韻必以來字者

所以祝公成政而來歸疾也

樊曰權終于嶺南一本祝下有使字

送水陸運使韓約侍御歸所治序

孫曰約本名重華後改名約武陵人○一本題作韓重華

六年冬

嚴曰即元和六年也

振武軍吏走驛馬詣闕告饑

洪曰吾宗王父

云以文考之當是元和六年振武今麟州路也唐志無所考按唐曹璠所撰國鏡云振武所管麟勝二州五縣

勝今府州也又云河東水陸運使所管營田三千三百頃一年撥胡落池鹽一萬二千石博糴米二萬四千石充振武軍糧孫曰振武在單于東都護府城內公卿庭議以轉運使不得其人

宜選材幹之士往換之吾族子重華適當其任

孫曰元和六年

四月以盧坦為戶部侍郎判度支會振武告饑時薛塞為代北水陸運使坦以重華代塞也

至則出

贓罪吏九百餘人脫其桎梏給耒耜與牛使耕其傍便近地以償所負釋其粟之在吏者四十萬斛不徵吏得去罪死假種糧齒平人有以自效莫不涕泣感奮相率盡力以奉其令而又為之奔走經營相原隰之宜指授

方法故連二歲大熟吏得盡償其所亡失四十萬斛者而私其有贏餘得以蘇息軍不復饑君曰此未足為天子言請益募人為十五屯屯置百三十人而種百頃令各就高為堡

祝曰堡障小城也後漢注分築烽候堡壁稍興○堡音保

東起振武轉

而西過雲州

嚴曰今化外雲中郡大同軍節度

界極於中受降城

孫曰東中

北三受降城皆在豐州景雲三年朔方軍摠管張仁愿所築

出入河山之際

一作險

六

百餘里屯堡相望寇來不能為暴人得肆耕其中少可以罷漕輓之費朝廷從其議秋果倍收歲省度支錢千

三百萬八年詔拜殿中侍御史錫服朱銀其冬來朝奏
曰得益開田四千頃則盡可以給塞下五城矣田五十
頃法當用人七千臣令吏於無事時督習弓矢為戰守
備因可以制虜庶幾所謂兵農兼事務一而兩得者也

或無一字

大臣方持其議

孫曰八年冬重華入朝會宰相李絳已罷後宰相持其議而止語見

食貨志志所載營田事大抵與公此序相表裏

吾以為邊軍皆不知耕作開口

望哺有司常僦人以車船自他郡往輸粟沙逆河遠者
數千里人畜死蹄踵交道費不可勝計中國坐見耗虛

一無見
虛二字

而邊吏恒苦食不繼今君所請田皆故秦漢時

郡縣地其課績又已驗白若從其言其利未可遽以一

二數也今天子方舉羣策以收太平之功寧使士有不

盡用之歎懷竒見而不得設施也

見一作死

君又何憂而中

臺士大夫亦同言侍御韓君前領三縣紀綱二州奏課

常為天下第一行其計於邊其功烈又赫赫如此使盡

用其策西北邊故所沒地可指期而有也聞其歸皆相

勉為詩以推大之而屬予為序

送鄭涵校理序

并詩

補注涵宰相餘慶之子貞元十年第進士餘慶時為東都留守涵求告來寧及行公送之

以序詩云○

涵後更名澣

秘書御府也天子猶以為外且遠不得朝夕視始更聚

書集賢殿別置校讎官曰學士曰校理常以寵丞相為

大學士

孫曰開元十三年改集仙殿為集賢殿聚四部書其中置修撰校理官五品以上為學士六品

以下為直學士以宰相張說為大學士

其他學士皆達官也校理則用天

下之名而能文學者

而一作士

苟在選不計其秩次惟所用

之由是集賢之書盛積盡秘書所有不能處其半書曰

益多官日益重四年鄭生涵始以長安尉選授校理

孫曰

元和五年涵以長安尉為校理。一本授作為

人皆曰是宰相子能恭儉守教

訓好古義施於文詞者如是而選在公卿大夫家選之

子弟

一本選在作在選選之無選字

其勸耳矣愈為博士也始事相公

於祭酒

樊曰元和元年七月餘慶為國子祭酒公時為博士

分教東都生也事相

公於東太學

樊曰是年十一月餘慶為河南尹公分教東都

今為郎於都官也

又事相公居守

樊曰三年六月餘慶為東都留守公為都官員外郎分司。一作於居守

三

為屬吏經時五年觀道德於前後聽教誨於左右可謂

親薰而炙之矣

嚴曰炙之石切孟子云而況於親炙之者乎

其高大遠密者

不敢隱度論也其勤已而務博施以已之有欲人之能不知古君子何如耳今生始進仕獲重語於天下而慊

慊若不足

祝曰慊恨也續漢志慊慊若不足○慊音歛

真能守其家法矣其

在門下者可進賀也求告來寧

嚴曰涵以元和四年為校理五年寧親東都時

餘慶為東都留守

朝夕侍側東都士大夫不得見其面於其行

日分司郎吏與留守之從事竊載酒肴席定鼎門外

樊曰

左氏傳成王定鼎於郊鄒杜預注云今河南志城南三門正南曰定鼎門

咸賓客以餞之既

醉各為詩五韻且屬愈為序詩曰

得洛字

相公倦台鼎分政新邑洛

孫曰書分正東郊成周又曰周公初基作新大邑于東國

洛才子富文華校讎天祿閣

孫曰天祿閣名漢時有貢此獸者因以名閣以藏秘

書嚴曰西漢未央宮有天祿閣以藏秘書楊雄校書天祿閣是也

壽觴嘉節過歸騎春

衫薄

衫一作袍

鳥哢正交加

祝曰哢鳥聲選哢吭清渠○哢音弄

楊花共紛泊

交親誰不羨

交親一作親交

去去翔廖廓

開州韋侍講盛山十二詩序

孫曰韋侍講處厚字德載元和十一年九月
自考功郎中以罪貶開州刺史開州有威山

州名威山郡

詩附序後

韋侯昔以考功副郎守威山人謂韋侯美士考功顯曹

威山僻郡奪所宜處納之惡地

之一
作以

以枉其材韋侯將

怨且不釋矣或曰不然夫得利則躍躍以喜不得利則

戚戚以泣若不可生者豈韋侯之謂哉韋侯讀六藝之

文以探周公孔子之意又妙能為詞章可謂儒者也

一無

也夫儒者之於患難苟非其自取之其拒而不受於懷

也若築河堤以障屋雷

補注說文雷屋水流也力救切

其容而消之也

若水之於海冰之於夏日其翫而忘之以文辭也若奏

金石以破蟋蟀之鳴蟲飛之聲沉一不快於考功盛山

一出入息之間哉未幾果有以韋侯所為十二詩遺余

者其意方且以入溪谷上巖石追逐雲月不足日為事

讀而詠歌之令人欲棄百事往而與之遊不知其出於

巴東以屬朐腮也

洪曰地理志云山南西道開州盛山郡義寧三年析巴東之盛山新浦通

州郡之萬世西流置天寶元年更名朐腮樊曰朐腮前漢志作朐忍巴東郡縣名也顏師古注朐音劬後漢注

音蠢閨其地下濕多胸臆蟲因以名縣故城在今夔州
雲安縣西劉禹錫嘉話則云夔州地名音屈忍蚯蚓也
土多此蟲常至夜江畔出身半跳於空中而鳴其狀屈
忍按集韻諸音皆通惟屈音不收集韻又云胸臆在漢
中俗作胸非是公此云出於巴東以

十人

樊曰序止見六人與處厚為七今作十人疑字誤也

及此年

一無及字一作明年

韋侯

為中書舍人侍講六經禁中名處厚

孫曰元和十五年三月處厚以侍講

學士講詩闕雖書洪範于太液亭長慶二年四月為中書舍人

和者

一作為和詩者

通州元司

馬名稹為宰相

孫曰元和十年三月稹為通州司馬長慶二年二月同平章事

洋州

嚴曰

洋州本漢成固縣秦為漢中郡魏置洋州今為洋州郡

許使君名康佐為京兆忠

州白使君居易為中書舍人

孫曰元和十三年十二月居易為忠州刺史長慶元

年十二月為中書舍人

李使君景儉為諫議大夫

孫曰景儉字寬中元和中為忠

州刺史長慶元年八月為諫議大夫不言某州使君者連上忠州文也樊曰景儉時為楚州疑有脫誤

黔

府嚴中丞武為秘書監

孫曰元和十四年二月以商州刺史嚴蕃為黔中觀察使長慶

元年入為秘書卒此言名武誤。一作秘書少監

溫司馬造為起居舍人

樊曰溫造

時為武陵司馬今諸本皆亡州名亦疑脫誤

皆集闕下於是盛山十二詩與

其和者大行於時聯為大卷家有之焉慕而為者將日

益多則分為別卷韋侯俾余題其首

盛山十二詩

韋處厚

宿雲亭

雨合飛危砌
天開卷曉牕
薺平聯郭柳
帶繞抱城江
隱月岫

初映鉤如線
終銜鏡似鉤
遠澄秋水色
高倚曉河流
茶嶺

顧渚吳商絕
蒙山蜀信稀
千叢因此始
含露紫英肥
梅溪

夾岸凝輕素交枝漾淺淪
味調方薦實臘近又先春

流杯渠

激曲榮飛箭浮溝泛滿卮
將來山太守莫向習家池

盤石磴

繚繞緣雲上璘玢甃玉聯
高高曾幾折極目瞰秋鳶

桃塢

噴日舒紅景通流茂綠陰
終朝王母摘不羨武陵深

竹巖

不資冬日秀為作暑天寒先植誠非鳳來翔定是鸞

琵琶臺

福地難層累因崖遂削成淺深嵐障色盡向此中呈

胡盧沼

疏鑿徒為巧圓窪自可澄倒花紛錯綉鑑月盡含冰

繡衣石榻

崑嶠雲中嶠磊落標方峭勿為枕蒼生還當礎清廟

上士瓶泉

綆汲豈無井顛品貴非浚願洗塵埃餘一兩根莖潤

石鼎聯句詩序

補注吳安中云石鼎聯句皆退之作如毛穎傳以文滑稽耳所謂彌明即愈侯喜師服皆其弟子故云苔溪漁隱曰公與諸子嘲戲見於詩者多矣皇甫湜不能詩則曰倚撫糞壤間孟郊苦思則曰腸肚鎮煎煅樊宗師詩滋則曰辭慙義卓閤止於是矣不應譏誚輕薄如是之甚也且序云衡山道士云云此豈亦退之自謂邪按仙傳拾遺有彌明傳雖祖述退之之語亦必有是人矣或者又以爲斥時相詩意似不在是諸本所錄互有不同張文潛所校本與諸本尤異今悉箋于下

元和七年十二月四日衡山道士軒轅彌明

嚴曰或謂無是人退

之寓言蓋自謂也又謂彌明即賈島其說皆非述仙傳又載彌明雖用退之之語然意其必有是人也小說韓吏部序石鼎聯句其事頗怪而彌明之詞警絕遠甚以謂非神即仙非人所能到孫漢公云皆退之之語以其辭為刺譏慮為人所訾其傳不久故假以神其事也

自衡山來

蔡作自衡岳來

舊與劉師

服進士衡湘中相識將過太白知師服在京

文潛本作知劉在京

夜抵其居宿有校書郎侯喜新有能詩聲夜與劉說詩

彌明在其側貌極醜白鬚黑面長頸而高結

祝曰楊雄蜀記蜀之

先代人推結左語前漢陸賈傳尉佗魁結箕踞注魁音推結讀曰髻推髻者一撮之髻韓曰唐子西云結古髻

字退之序是長頸高結為句斷介甫本蔡本並無高字蔡本又無下句喉中句張本亦無中字喉中又

作楚語喜視之若無人彌明忽軒衣張眉指爐中石鼎

謂喜曰子云能詩與我共賦此乎劉往見衡湘間人說

云張有某字年九十餘矣張無矣字解捕逐鬼物解字張本作能拘囚蛟

螭虎豹拘囚張本作魍魎字不知實能張本實上否也張本實上見其老頗

貌敬之不知其有文也聞此說張蔡無說字大喜即援筆題

其首兩句即一作既次傳於喜張本作侯下喜踊躍即綴其

下云云道士啞然笑曰祝曰啞笑聲易笑言子詩如是

啞啞○啞鳥格反

而已乎即袖手竦肩傍北牆坐

傍一作倚
一無坐字

謂劉曰吾不

解世俗書

樊曰孔武仲雜說按真語六月二十四日夜
紫微王夫人來降楊君問以所書答云有三

元八會羣方飛天之書又有八龍雲篆光明之章其後
三皇之世演八會之文為龍鳳之章鳥篆之迹為順於
梵書今三元八會之書皇上太極高真諸仙之所用也
雲篆明章今所見神靈符書之所用也季世瓌真從易
弃本領之文迹畫淫亂之下字
彌明之所謂世俗者豈此類歟

弟子為我書吾句

張蔡
本無

吾句因高吟曰龍頭縮菌蠢

嚴曰上奇隕切下昌尹切
不伸貌南都賦芝房菌蠢

生其灰腹漲彭亨

祝曰彭亨大腹也
如字張本漲作脹

初不似經意

不似
張作

似詩旨有似譏喜

詩介甫
作思字

二子相顧慙駭

子張作
人字

欲以

多窮之即又為而傳之喜喜思益苦

思一作吟

務欲壓道士

每營度欲出口吻聲鳴益悲操筆欲書

張作而書

將下復止

竟不能奇也畢即傳道士道士高踞大唱曰劉把筆吾

詩云云

張作劉進士把筆則又高吟其詩云云蘇本與張同

其不用意益切奇出

張作而功益奇

不可附說語皆侵劉侯喜益忌之劉與侯皆已

賦十餘韻彌明應之如響皆穎脫含譏諷

孫曰史記鍾處囊中穎脫

而出非特末見而已○張蘇本下又有夜蓋三更一句

二子思竭不能續因起謝

曰尊師非人也

一云非世人也張作非世人能出也

某等伏矣

補注東坡詩云莫作

狂道士氣壓劉師服謂此也○張本無等矣二字

願為弟子不敢更論詩

更張作再

道士奮然

然一作髯張蔡作目

曰不然章不可以不成也又謂劉

曰把筆來

張無來字

吾與汝就之

一無此句

即又唱出四十字

張無

即字出一作書

為八句書既止即讀

蔡無止即字張作訖使字又連下句讀字作之字

讀畢謂二子曰章不已就乎

一無不字

二子齊應曰就矣道

士曰子皆不足與語

子諸本並作此字

此寧為文邪吾就子所

能而作耳

一作矣張作之

非吾之所學於師而能也吾所聞者

聞一作能

子皆不足以聞也獨文乎哉吾語亦不當聞也

亦字

上張本
有子字

吾閉口矣二子大懼皆起立牀下拜曰

一無
皆字

敢他有問也願聞一言而已先生稱吾不解人間書敢

問解何書

注見
上

請問此而已道士寂然若無聞也

張本
自何

書下但有寂然字
無所餘十一字

累問不應二子不自得即退就坐道

士倚牆睡

蔡作道士寂
然倚牆而睡

鼻息如雷鳴

一無
息字

二子怛然失

色

祝曰怛悲慘
貌當割切

不敢喘

喘上張
有少字

斯須曙鼓鼕鼕

祝曰鼕
鼕鼓聲

音形
字

二子亦困遂坐睡及覺日已上

張蔡作已出
張復有驚字

顧覓

道士不見即問童奴

張無即字
童作僮字

奴曰

張作僮
奴曰

天且明道

士起出門若將便旋然奴恠久不返即出到門覓之

張無

到門字一無之字

無有也二子驚惋自責

悅鳥貴切

若有失者間遂

詣余言余不能識其何道士也

一無能字

嘗聞有隱君子彌

明豈其人邪韓愈序

石鼎聯句

劉師服

侯喜

軒轅彌明

巧匠斲山骨剗中事煎烹

師服

直柄未當權

一作嘗卷

塞口

且吞聲

喜

龍頭縮菌蠢豕腹漲彭亨

彌明

外苞乾

薛文中有暗浪驚

師服

在冷足自安

一作安自足

遭焚意彌

貞喜謬當鼎鼐間

孫曰鼐鼎之絕大者詩鼐鼎及鼐

妄使水火爭

彌明

大似烈士膽圓如戰馬纓

師服

上比香爐尖下與鏡面

平喜秋瓜未落蒂凍芋強抽萌

彌明

一塊元氣閉細

泉幽竇傾

師服

不值輸寫處焉知懷抱情

喜

方當洪爐

然益見小器盈

彌明

眈眈無刃迹

祝曰莊子眈眈然有經繳之中注視貌華

縮切○一作眈
覲蔡作宛宛

團團類天成

師服

遙疑龜負圖出曝曉

正晴

喜

旁有雙耳穿

雙一作雙

上為孤髻撐

師服

洪曰一作彌明

或

訝短尾鉋又似無足鐺

師服

舊注鐺銀鐺也音當孫曰鐺與鎗同普耕切蔡本似

作驚

可惜寒食毬擲此旁路坑

喜旁王作過

何當出灰地

祝曰

說文地燭燼也恥也切○按蔡本地字當作時字

無計離鉗罟

彌明

陋質荷斟

酌狹中媿提擎

師服

豈能煮仙藥但未汚羊羹

喜形模

婦女笑度量兒童輕

彌明

徒爾堅重性

爾一作示重一作貞

不合

升合成

師服不合一作不過成又作盛

傍似廢轂仰

傍一作仍

側見折軸

橫喜時於蚯蚓竅微作蒼蠅鳴

彌明

以茲齟溢愆

一作漚

實負任使誠

師服

當居顧盼地敢有漏泄情喜寧依暖

熱弊不與寒涼并

彌明

區區徒自效瑣瑣不足呈

洪曰一本

注云

迴旋但兀兀開闔惟鏗鏗

師服鏗丘耕切

全服瑚璉貴

服一作勝

空有口傳名豈比俎豆古不為手所搔


音蒸與拯同祝

曰當作掙音搔廣韻撞也觸也

磨礪去圭角浸潤著光精願君莫嘲

謂此物方施行

四韻並彌明所作



五百家注昌黎文集卷二十一

欽定四庫全書

集部

五百家注昌黎文集卷二十三

詳校官通政使_臣夢吉

檢討_臣何思鈞覆勘

總校官檢討_臣何思鈞

校對官主事_臣陳墉

謄錄監生_臣左詢

欽定四庫全書

五百家注昌黎文集卷之十二

宋 魏仲舉 編

祭文

祭田橫墓文

并序

樊曰田橫初爲漢將灌嬰敗於垓下亡走梁
歸彭越高祖即位懼誅與其徒五百餘人入
海居島中高帝間齊人賢者多附橫恐後有
亂乃使使赦橫罪而召之橫與其客二人乘
傳詣洛陽至尸鄉廐置遂自剄今客奉其頭
從使者馳奏高帝流涕以王者禮葬橫既塋

二客穿其冢旁皆自剄從之其餘客在海中者聞橫死亦皆自殺補注晁太史无咎嘗取公此文於續楚辭而系之曰唐宰相如董晉亦未足言而晉為汴州纔奏愈從事愈始終感遇語稱隴西公而不姓後從裴度亦自謂度知已然度亦終不引愈共天下事故愈躊躇發憤太息於區區之橫以謂夫苟如橫之好士天下將有賢於五百人者至焉

貞元十一年九月

集注一作十九年非按十九年秋公為御史其冬貶陽山安得以九月出

田橫墓下邪

十一日愈如東京

樊曰其年春公三上書宰相求仕不報五月歸河陽葬其

嫂鄭夫人九月復如京。一作愈自東如京蓋謂公道家河陽唐都長安以河陽為東都長安為西都也

出田橫墓下感橫義高能得士心

一無字

因取酒以祭為

文而弔之其辭曰

事有曠百世而相感者余不自知其何心非今世之所

稀孰為使余歔歔而不可禁

孫曰歔歔嘆也。歔音虛歔音希禁居吟切

余

既博觀乎天下曷有庶幾乎夫子之所為死者不復生

嗟余去此而從誰

而一作其

當秦氏之敗亂得一士而可王

何五百人之擾擾而不能脫夫子於劒鉉

鉉劒也。鉉音芒

抑

所寶之非賢

補注書所寶惟賢則過人安。之一作者

亦天命之有常

天一作大

昔闕里之多士孔聖亦云其遑遑

韓曰史記索隱孔子居魯之鄆邑昌平鄉

之闕里孫曰闕里地名在今兗州曲阜縣楊子仲尼皇皇奔走之鬼也

苟余行之不迷一

命

雖顛沛其何傷自古死者非一夫子至今有耿光曰

以觀文王之耿光耿亦光也

跽陳辭而薦酒

孫曰跽長跪巨几切

鬼髣髴而來

享

嚴曰集韻靈良切按享字古今人用多作上聲惟前漢禮樂志郊祀詩云發梁揚羽申以商造茲新音永

久長聲氣遠條鳳鳥翔神夕掩虞蓋孔享享作平聲退之叶韻蓋有所本也

歐陽生哀辭

并序

韓曰歐陽名詹字行周泉州晉江人也卒年四十餘集十卷行世新史於文藝立傳

歐陽詹世居閩越自詹已上皆為閩越官至州佐縣令

者累累有焉閩越地肥衍有山泉禽魚之樂雖有長材

秀民通文書吏事與上國齒者未嘗肯出仕今上初故

宰相常袞為福建諸州觀察使治其地一作往袞以文

詞進有名於時又作大官臨蒞其民縣鄉小民有能誦

書作文辭者一云袞以文詞進縣鄉小民有能誦書作文詞者袞故宰相有名於時又作大官臨

蒞其民袞親與之為客主之禮觀游讌饗必召預之一云云

作韓曰按袞傳建中初起為福建觀與時未幾皆化翕然察使始閩人未知學袞至為設學

校使為文章親講導與為客主均禮觀游燕享與馬由是俗變歲貢士與內州等詹于時獨秀

出家加敬愛諸生皆推服閩越之人舉進士由詹始

孫曰

貞元八年詹與公同登第嚴曰詹字行周泉州晉江人退之同年進士此言閩人舉進士自詹始及觀林蘊泉山銘叙則謂閩川貞元以前未有文進者也因廉使李邕公錡興啓庠序請獨孤常州及為記中有辭云縵胡之纓化為青衿其兄藻與友歐陽詹繼登正第以其年考之則藻之登第又在詹之前然長溪薛合之以中宗退之謂由詹始豈考之未詳耶建中貞元間余就食

江南

孫曰時公家于宣州

未接人事往往聞詹名閭巷間詹之稱

於江南也久矣貞元三年

韓曰當作二年

余年十九始至京師

一無年十三字

舉進士聞詹名尤甚八年春遂與詹文詞同

考試登第始相識自後詹歸閩中余或在京師他處不見詹久者惟詹歸閩中時為然其他時與詹離率不厯歲移時則必合必兩忘其所趨久然後去故余與詹相知為深詹事父母盡孝道仁於妻子於朋友義以誠

氣醇以方容貌嶷嶷然

祝曰說文嶷嶷小兒有知也嶷魚力切歐本不疊嶷字

其

燕私善謔以和其文章切深

一有遠字

喜往復善自道讀其

書知其於慈孝最隆也十五年冬余以徐州從事

孫曰公為

徐州節度推官

朝正于京師詹為國子監四門助教將率其徒

伏闕下舉余為博士會詹有獄不果上

一詹無詹字詹一作監

觀其

心有益於余將忘其身之賤而為之也嗚呼詹今其死

矣詹聞越人也父母老矣捨朝夕之養以來京師其心

將以有得而歸為父母榮也

一本有得下有如是二字趙本再有將以有德四字

雖其父母之心亦皆然詹之在側

一無之字

雖無離憂其志

不樂也詹在京師雖有離憂其志樂也若詹者所謂以

志養志者歟詹雖未得位其名聲流於人人其德行信

於朋友雖詹與其父母皆可無憾也詹之事業文章李

翺既為之傳

今翺集無詹傳一作說一作誌

余故作哀詞

一無故字以舒

余哀以傳於後以遺其父母

其一詹作詹

而解其悲哀以卒詹

志云

詹一作其

求仕與友兮遠違其鄉父母之命兮子奉以行友則既

獲兮祿實不豐以志為養兮何有牛羊事實既修兮名

譽又光父母忻忻兮常若在旁命雖云短兮其存者長

終要必死兮願不永傷

不永一作永不

友朋視疾兮藥物甚良

飲食既時兮

既一作孔

所欲無妨壽命不齊兮

齊一作高

人道之

常在側之與遠兮非有不同山川阻深兮鳧鳧流行祭

祀之及兮

之一作則

勿謂不通哭泣無益兮

益一作教

抑哀自彊

推生知死兮以慰孝誠嗚呼哀哉兮是亦難忘

題哀辭後

樊曰崔羣及詹皆與公同年劉
伉姓名僅見于此它無所聞

愈性不喜書自為此文惟自書兩通其一通遺清河崔
羣羣與余皆歐陽生之友也哀生之不得位而死哭之
過時而悲其一通今書以遺彭城劉君伉伉喜古文以

吾所為合於古詣吾廬而來請者八九至而其色不怨

不一作無

志益堅凡愈之為此文蓋痛歐陽生之不顯榮於

前

痛一作哀

又懼其泯滅於後也今劉君之請未必知歐陽

生之志其志在古文耳雖然苟愛吾文

吾一作其

必求其義

則進知於歐陽生矣必時觀

義下舊本無則進云云十一字

愈之為古

文豈獨取其句讀不類於今者耶思古人而不得見學

古道則欲兼通其辭通其辭者本志於古道者也古之

道不苟譽毀於人然則吾之所為文皆有實也劉君好

其辭則其知歐陽生也無惑焉

獨孤申叔哀辭

孫曰申叔字子重年二十二舉進士又二年
用博學宏詞為校書郎又三年居父喪未練
而歿蓋貞元十八年也柳子厚有獨孤君墓
碣皇甫持正有傷獨孤賦而公作辭哀之樊
曰公嘗與崔羣書天人好惡之說與此
語意一同蓋出太史公之伯夷論也

衆萬之生誰非天邪明昭昏蒙誰使然耶行何為而怨

邪

怨一作怒

居何故而憐邪

故一作為

胡喜厚其所可薄而恒不

足於賢邪將下民之好惡與彼懸邪

彼下一蒼字

抑蒼茫無

端而暫寓於其間邪死者無知

一作者一而

吾為子慟而已矣

如有知也子其自知之矣濯濯其英晔晔其光如聞其

聲如見其容

一作如處其旁

嗚呼遠矣何日而忘

崔侍御祭穆負外文

樊曰穆負外字與直懷州河內人宣州觀察使寧之子工為文崔侍御名愬無傳

於乎

一本上先云維年月日故人傳陵崔愬謹以清酌之奠致祭于亡友穆六端公之靈

建中之

初予居于嵩攜扶北奔

一作歸

避盜來攻晨及洛師相遇

一時顧我如故眷然顧之子有令聞我來自山子之後

明我鈍而頑道既云異誰從知我我思其厚不知其可

一作不可於後八年君從杜侯我時在洛亦應其招

孫曰貞元

五年十二月以杜亞為東都留守亞辟員為從事檢校員外郎懇時亦為亞所辟

留守無事多

君子寮固有疑忌維其嬉游草生之春鳥鳴之朝我轡

在手君揚其鑣

悲驕切

君居于室我既來即或以嘯歌或

以偃側誨余以義復我以誠

復我一作我復

終日與語無非德

聲主人信讒有惑其下殺人無罪誣以成過入救不從

反以為禍赫赫有聞王命三司察我于獄相從係縲直

生可樂

作可一曲死可悲

樂直死何悲

一云曲生何悲

上懷王人

王一作主

內

憫其私進退之難居處之宜既釋于囚我來徐州

孫曰今狐

運京兆富平人為東京牙門將亞惡其為人會盜劫輸
綸於洛比運適畋近郊亞意其為之命員及從事張宏
靖鞠其事無之亞怒囚員等更以愛將武金操服之金
答運從者十餘人二人死九人自誣服竟無賊狀亞以
間請流運嶺表德宗詔監察御史楊寧慶驗事皆不讎
亞怒劾寧罔上德宗今侍御史李元素刑部員外郎崔
從質大理司直盧士瞻三司覆案元素察其寃如運迹
似行盜以曾捕掠人於家配流歸州負等由是獲免後
歲餘齊抗捕得劫輸絹賊七人及賊絹詔亞與留臺同
劾之皆首服然終不原運運竟死歸州人寃之負由此
名道之悠悠思君為憂我如京師君居父喪

孫曰永貞元年十一

月負父
寧卒

哭泣而拜言詞不通我歸自西君反吉服晤言

無他往復其昔

一作音

不日而違重我心惻自後聞君母

喪是丁痛毒之懷六年以并

一作經

孰云孝子而殞厥靈

今我之至入門哭聲

哭一作失

酒肉在前君胡不餐升君之

堂不與我言於乎死矣何日來還

祭郴州李使君文

補注筆墨間錄云祭
李郴州文尤雄奇

維年月日

孫曰一本維元和元年歲次丙將仕郎守江
戊二月乙未朔二十四日戊午

陵法曹參軍韓愈謹以清酌庶羞之奠敬祭于故郴州

李使君三兄之靈古語有之白頭如新傾蓋如舊

孫曰漢邯

陽之語

顧意氣之何如曷日時之足究

曷一作何

當貞元之癸

未

祝曰貞元十九年公拜監察御史冬貶陽山令別知賦云歲癸未而遭逐是也。一本作癸酉非

惕

皇威而左授伏荒炎之下邑

孫曰貞元十九年公左遷連州陽山令

嗟名

顏而位仆歷貴部而西邁

孫曰貴部即郴州

邇清光於暫覲

於一

作而言若交而情無由

若一作莫

既不賈而奚售哀窮荒之無

圖

窮一作退

挈百憂而自副

孫曰挈牽引也詩懷此百憂。挈奴加切而一作以

辱問

訊之綢繆恒飽飢而愈疾接雄詞於章句窺逸跡於篆

籀

孫曰籀篆也周宣時太史籀造大篆因以為名。籀直右切

苞黃甘而致辭

辭一作貽

獲紙筆之雙貿

洪曰即李員外寄紙筆云莫怪殷勤謝虞卿正著書

投叉魚之短

韻

洪曰即公叉魚十韻招張功曹者

媿韜瑕而舉秀侯新命於衡陽費

新芻於館候

韓曰柳在衡山之陽貞元二十一年公以順宗敕徙掾江陵待命於柳云

空大

亭以見處憇水木之幽茂逞英心於縱博沃煩腸於清

酎

於一作航北湖之空明孫曰郴州北湖廣十餘里最為勝處覲鱗介之驚

透宴州樓之豁達衆管啾而竝奏

啾一作秋

得恩惠於新知

脫窮愁於往陋

窮一作宛

輟行謀於俄頃見秋月之三穀

補注

筆墨間錄曰此即子厚云丁酉之年秋既季月闕其團於是始

逮天書之下降猶低迴

以宿留

上音秀下音溜

念睽離之在期謂此會之難又授縞紵

以託心

孫曰襄二十九年左氏吳季札聘鄭見子產如舊相識與之縞帶子產獻紵衣

云茲誠

之不謬儻後日之北遷約窮歡於一晝雖掾俸之酸寒

孫曰掾謂法曹

要拔貧而為富何人生之難信指斯言而莫就

始訝信於暫疎遂成凶於不救

於一作而

見銘旌之低昂

孫曰

禮記銘明旌也以死者為不可別故以識之

尚遲疑於別袖憶交醅而迭舞

奠單盃而哭柩

韓曰謂李使君於貞元二十一年死柩過江陵公以是祭之永貞元年冬也蓋

二十一年八月改元為永貞元年云

美夫君之為政不撓志於讒構

撓一作僈

遭唇舌之紛羅獨凌晨而孤雛

孫曰雛鳴之詩言亂世君子不改其度凌晨孤

雛以雛為喻雛鳴也

彼憮人之浮言雖百車

嚴曰馮衍與婦弟書云持質相劫詞語百

車

其何詬

作年

洞古往而高觀固邪正之相寇幸竊覩

其始終敢不明白而蔽覆

一無字

神乎來哉辭以為侑尚

饗

祭薛公達助教文

樊曰公達字大順貞元九年登第詳見公所誌墓云

維元和四年歲次己丑後三月二十一日景寅

孫曰四年閏三

月丁未朔二月十一日丙寅嚴曰唐諱丙以景代之

朝散郎

韓曰公嘗誌其墓今以誌考之朝散當作

朝議

守國子博士韓愈太學助教侯繼謹以清酌之奠祭

于亡友國子助教薛君之靈

樊曰元和初公達為國子助教分教東都是歲二月

十四日卒

嗚呼吾徒學而不見施設祿又不足以活身天於

此時奪其友人同官太學日得相因柰何永違祇隔數

晨笑語為別慟哭東門藏棺蔽帷欲見無緣皎皎眉目

在人目前

一云若在人前

酌以告誠庶幾有神鳴呼哀哉尚饗

祭虞部張季友貞外文

韓曰公同王涯崔羣許季同庾承宣邢冊等六人祭蓋皆與季友貞元八年同舉進士也

其事詳見公所誌

維年月日愈等

舊本作維元和十年月日中書舍人王涯考功郎中知制誥韓愈禮部侍郎崔

羣京兆尹許季同考功員外郎庾承宣河中節度判官殿中侍御史邢冊等

謹以清酌庶羞

之奠敬祭于亡友張十三貞外之靈嗚呼往在貞元俱

從賓薦司我明試時維邦彥

樊曰時陸贄典貢舉各以祭者六人皆同薦云

文售幸皆少年羣遊旅宿其歡甚焉出言無尤有獲同

喜他年諸人莫有能比倏忽逮今二十餘歲

樊曰自貞元八年至

是凡二十三年

存皆衰白半亦辭世外纏公事內迫家私中宵

興歎無復昔時如何今者

一作於今

又失夫子懿德柔聲永

絕心耳廬親之墓終喪乃歸陽瘖避職

祝曰瘖瘖禮記瘖聾跛躄孫曰

徐州節度使張愔請季友為判官詔下季友詐稱疾不言三年

妻子不知分司憲臺風

紀由振遂遷司虞以播華問不能老壽孰究其因嗣託

於宗天維不仁酒食備設靈其降止論德叙情

德一作得

視諸誅尚饗

祭河南張署負外文

樊曰張署為河南令既數月弃官去遂卒時公從裴度討蔡元和十二年八月也誌其墓為文以祭之

維年月日

孫曰元和十二年

彰義軍行軍司馬守太子右庶子

兼御史中丞韓愈

集注是歲七月以公兼御史中丞彰義行軍司馬。一無守太子右庶子

六謹遣某乙以庶羞清酌之奠祭于亡友故河南縣令

張十二負外之靈

十二或作十一或無十二二字

貞元十九君為御史

余以無能同詔並峙君德渾剛

渾胡本切

標高揭已有不吾

如唾猶涴滓余慙而狂

慙陟降切

年未三紀

孫曰公時年三十六嚴曰退之

大歷戊申歲生至貞元十九年癸未三十六年矣

乘氣加人無挾自恃

一作無敢挾恃

彼婉孌者實憚吾曹側肩帖耳有舌如刀

嚴曰謂讒人以言傷人也

退之與張署李方叔同為御史時方旱飢上疏乞寬民徭為李實所讒俱貶南方縣令又與署同赴貶所我

落陽山以尹鼯孫君飄臨武山林之牢

補注是歲公與署同得罪公貶

連州陽山令署貶郴州臨武令

歲弊寒兇雪虐風饕

一作號

顛於馬下我

泗君眺

祝曰易君子先號眺而後笑○眺徒刀切

夜息南山同卧一席守隸

防夫舐項交跼

祝曰舐觸也謂以項相舐觸跼足也。舐丁礼切或作抵

洞庭漫汗

粘天無壁

補注筆墨間錄曰山谷用此語云江南水黏天

風濤相逐

逐呼回切

中作

霹靂追程盲進帆船箭激南上湘水

孫曰湘水出零陵北至巴丘入江。

上一屈氏所沉

孫曰今岳州湘陰縣有汨水屈原自沈處俗謂之汨羅

二妃行迷

淚蹤染林

孫曰博物志洞庭之山堯帝二女常泣以其涕揮竹竹盡斑

山哀浦思鳥

獸叫音余唱君和百篇在吟君止于縣我又南踰把醞

相飲後期有無期宿界上一夕相語自別幾時遽變寒

暑

遽一作復變一作偏

枕臂歌眠加余以股僕來告言虎入廐處

無敢驚逐以我驥去

驥音蒙

君云是物不駿於乘虎取而

往來寅其徵我預在此與君俱膺猛獸果信惡禱而憑

余出嶺中君俟州下

州柳

偕掾江陵非余望者

樊曰公貞元十

九年與張俱令南方明年冬會宿臨武界上虎入公廐取驥去驥驢子也虎寅屬也公載張語云云已而順宗即位皆改江陵府掾公法曹張功曹洪曰僕來告言虎入廐處而下予以問葛魯卿葛云驥不駿去之則亨矣虎取而去疑其亨也故來寅望徵猛獸果信者言

郴山

奇變其水清寫泊砂倚石有還無捨

祝曰楚詞重華不

一作還衡陽放酒

孫曰衡陽衡州酒沉

熊咆虎嘒

咆蒲交切

嗥胡
高切

不存令章

孫曰令章酒令一作存不令章

罰籌蝟毛委舟相流往

觀南嶽

嚴曰集有調衡岳廟詩

雲壁潭潭

雲一作天

穹林攸擢避風大

湖

嚴曰太湖即上文洞庭是也集有洞庭阻風贈張十一詩

七日鹿角

韓曰元微之鹿角詩箋云

鹿角洞庭湖中地名

鈎登大鮎

祝曰鮎魚名楚詞鱣鮎兮延延集注說文云鮎鯉也。鮎乃兼切

怒頰豕狗

洪駒父詩話云狗豕聲也。狗許角切或作豹非惟無此理兼不協韻

鬻盤炙

酒羣奴餘啄走官階下

孫曰謂江陵府

首下尻高

祝曰尻髓也前漢尻益高

刀切

下馬伏塗從事是遭予徵博士君以使已

孫曰元和

元年六月公召為國子博士署拔江陵半年邕管奏為判官不往

相見京師過願之始

補注始願不及此

分教東生君掾雍首

孫曰元和二年公分教東都署為京兆府司錄

參軍祝曰雍州名書黑水西河惟雍州。雍於用切

兩都相望

望音忘

於別何有解

手背面遂十一年君出我入如相避然生闊死休吞不

復宣刑官屬郎引章許奪

許一作許

權臣不愛南昌是幹

孫曰

署為刑部負外郎守法不阿出為虔明條謹獄氓獠戶

州刺史虔州南康郡今作南昌恐誤

歌

獠夷名。獠張絞切又力道切又一作僚

用遷澧浦

祝曰澧水名書又東至于澧。澧音禮嚴

曰謂為澧

為人受瘡

孫曰署自虔州改澧州刺史民猶出難產物與錢尚書有經數觀察

州刺史也

使牒州徵錢倍數經署曰刺史可為法不可貪官害民留牒不肯從竟以代罷瘡病也

還家東都

起令河南屈拜後生憤所不堪屢以正免身伸事蹇竟

死不昇孰勸為善丞相南討

孫曰元和十六年以宰相裴度為淮西宣慰處置使

南討

余辱司馬議兵大梁

孫曰時宣武軍節度使韓弘為諸軍都統使將出討公詣

弘稟

走出洛下哭不憑棺奠不親輓不撫其子塋不送

野望君傷懷有殞如瀉銘君之績納石壤下爰及祖考
紀德事功外著後世鬼神與通君其奚憾不余監衷嗚
呼哀哉尚饗

祭左司李員外太夫人文

韓曰謂與其子同僚必
公為職方員外郎時也

維年月日某官某等謹以清酌庶羞之奠敬祭于某縣
太君鄭氏尊夫人之靈胄于茂族配此德門克成厥家
享有全福為婦為母再朝中宮搢紳推榮宗黨是則某
等幸隨令子同服官僚庶展哀誠式陳牢醴尚饗

祭薛中丞文

樊曰中丞名存誠字資明河中寶鼎人貞元
中登第歷監察御史殿中侍御史累遷給事
中拜御史中丞暴卒
憲宗贈刑部侍郎

維年月日

韓曰公時為比部郎中元和九年也或作元和元年非

某官某乙等

韓曰

李逢吉孟簡張惟素張賈韓愈等

謹以清酌庶羞之奠祭于亡友故御

史中丞贈刑部侍郎薛公之靈公之懿德茂行可以勵

俗清文敏識足以發身宗族稱其孝慈友朋歸其信義

累升科第亟踐班行左掖南臺

孫曰北齊號御史臺為南臺高澄用崔暹為御

史中尉宋遊道為尚書左丞謂之曰卿一人處南臺一人處北省當使天下肅然樊曰左掖則給事中南臺則

御史中丞也

共傳故事

樊曰存誠嘗劾浮屠鑒虛賊罪抵死按信州刺史李位無謀反事詳見舊

史本傳

詩人墨客爭諷新篇羽儀朝廷輝映中外長途方

騁大限俄窮聖上軫不慙之悲

韓曰哀十六年左傳孔子年公誅之曰昊天不

弔不慙遺一老俾屏予一人以在位慙且也○慙魚覲切

具寮興云亡之歎

祝曰詩瞻仰人

之云亡邦國殄瘁

況某等忘言斯久和我俱深青春之遊白首

相失來陳薄奠詎盡哀誠嗚呼哀哉尚饗

祭裴太常文

裴之諱字皆不可攷

維年月日愈等

樊曰元和九年公為比部郎中史館修撰與給事中李逢吉孟簡吏部侍郎張

惟素張賈謹以庶羞清酌之奠敬祭于太常裴二十一

兄之靈朝廷之重莫過乎禮雖經策具存而精通蓋寡

自郊丘故事宗廟時宜大君之所旁求丞相之所卒問

嚴曰卒倉沒切孟子卒然問曰羣儒拱手宗祝醉心兄皆指陳根源斟

酌通變莫不允符天旨克協神休至于公卿冠昏

于一作於

士庶喪祭疑皆響答問必實歸從我者足為軌儀異我

者無逃指笑動為時法言比古經

比一作必

獨立一朝高視

千古而又驅馳朋執僊俛宗親

僊音泯

甌石之儲

孫曰漢書揚雄

家無甌石之儲晏如也甌小甌石斗石○甌或作擔

常空於私室方丈之食

韓曰孟子

曰食前方丈侍妾數百人我得志弗為也每盛於賓筵贈必固辭求無不應

孰云具美而不永年某等早接遊從實欽道義致誠薄奠以訣終天嗚呼哀哉尚饗

潮州祭神文五首

韓曰文凡五皆元和十四年夏秋作其一到任謁太湖神其二祈雨太湖神其三四五謝晴城隍界石太湖等神作

維年月日潮州刺史

孫曰維元和十四年歲次己亥三月己卯朔某日持節潮州諸軍事

守潮州刺史

韓愈謹差攝潮陽縣尉史虛己以特羊庶羞之

奠告于太湖神之靈愈承朝命為此州長今月二十五

日至治下

孫曰三月壬寅嚴曰即元和十四年三月也

凡大神降依庇貺斯

人者皆愈所當率徒屬奔走致誠親執祀事於廟廷下

今以始至方上奏天子

孫曰謂謝上表也

思慮不能專一冠衣

不淨潔與人吏未相識知牲糈酒食器皿損弊

孫曰糈祠神米

離騷巫咸將夕降兮懷椒糈而要之祝曰損一作搗麤也公羊摘者曰侵糈者曰伐○糈先旅切又音所摘倉

切胡不能嚴清又未卜日時不敢自薦見使攝潮陽縣尉

史虛己以告神其降鑒尚饗

維元和十四年歲次己亥六月丁未朔六日壬子持節

潮州諸軍事守潮州刺史

一本上作維年
月日潮州刺史

韓愈謹以清

酌暇脩之奠

祝曰暇籤脯禮記大享尚服
修注云捶脯也○暇丁貫切

祈于太湖神

之靈曰稻既穗矣

嚴曰穗禾
成秀也

而雨不得熟以獲也蠶起

且眠矣而雨不得老以蔕也歲且盡矣稻不可以復種

而蠶不可以復育也農夫桑婦將無以應賦稅繼衣食

也非神之不愛此人

一無
此人

刺史失所職也百姓何罪使

至極也神聰明而端一聽不可濫以惑也刺史不仁可

坐以罪惟彼無辜惠以福也劃劃雲陰

祝曰劃劃解也
分割也孫曰劃

去也。劃忽麥切又音
畫劃力支切又音麗

卷日月也幸身有衣而口得食

給神役也充上之須脫刑辟也選牲薦酒以報靈德也

吹擊管鼓侑香潔也拜庭跪坐如法式也不信當治疾

殃殛也神其尚饗

一作
鑒茲

維年月日潮州刺史韓愈謹以柔毛剛鬣清酌庶羞之

奠

孫曰禮記羊曰
柔毛豕曰剛鬣

祭于城隍之神間者以淫雨將為人

災無以應貢賦供給神明上下獲罪罰之故乃以六月

壬子奔走分告乞晴于爾明神明神閔人之不辜若饗

若荅

饗一作饗

冀除天地山川清風時興白日顯行蠶穀以

登人不咨嗟惟神之恩夙夜不敢忘怠謹卜良日躬率

將吏薦茲血毛清酌嘉肴

有一作羞

侑以音聲以謝神貺神

其饗之

維年月日潮州刺史韓愈謹遣耆壽成寓以清酌少牢

之奠告于界石神之靈曰惟封部之內山川之神克庥

于人

庥下一有庥字

官則置立室宇備具服器奠饗以時今淫

雨既霽蠶穀以成織婦耕男忻忻衍衍是神之庥庇于人也敢不明受其賜謹選良月吉日齋潔以祀神其鑒

茲一作之尚饗

維年月日潮州刺史韓愈謹以清酌庶羞之奠祭于太湖之神惟神降依茲土以庇其人今茲無有水旱雷雨風火疾疫為災各寧厥宇以供上役長吏免被其譴賴神之德夙夜不敢忘謹具食飲躬齋洗奏音聲以獻以樂以謝厥賜不敢有所祈尚饗

五百家注昌黎文集卷二十二

欽定四庫全書

五百家注昌黎文集卷二十三

宋 魏仲舉 編

祭文

袁州祭神文 三首

樊曰文凡三首其一祈雨城隍其二祈雨仰
山其三謝雨仰山神並元和十五年夏作然
則公之精神豈特見於閭衡山之雲哉凡水
旱無禱而不應以是知至誠而不動者未之
有也

維年月日

孫曰維元和十五年歲次庚子

袁州刺史韓愈謹告于城隍

神之靈刺史無治行以媚于神祇

一作無以媚于神祇

天降之罰

以久不雨苗且盡死刺史雖得罪百姓何辜宜降疾咎

于其身

一作躬

無令鰥寡蒙茲濫罰謹告

維年月日袁州刺史韓愈謹以少牢之奠祭于仰山

曰嚴

九域志云仰山峭拔萬仞不可登陟

之神曰神之所依者惟人人之所事

者惟神今既大旱嘉穀將盡人將無以為命神亦將無所降依不敢不以告若守土有罪宜被疾殃於其身百

姓可哀宜蒙恩閔以時賜雨使獲承祭不急神亦永有
飲食謹告

維年月日袁州刺史韓愈謹以少牢之奠祭于仰山之
神曰田穀將死而神膏澤之百姓無所告而神恤之刺
史有罪而神釋之敢不有薦也尚饗

祭柳子厚文

集注子厚以元和十四年十月五日卒于柳
州公其月自潮即表明年自表召為國子祭
酒此文袁州作也故劉夢得祭子厚文有云
退之承命改牧宜陽亦馳一函候于便道其

後序柳集又云凡子厚行己之大方有退之之誌若祭文在祭文蓋謂此也

維年月日

一本作維元和十五年歲次庚子五月壬寅朔初五日丙午

韓愈謹以清

酌庶羞之奠祭于亡友柳子厚之靈嗟嗟子厚而至然

耶自古莫不然我又何嗟

補注按筆墨間錄云嗟嗟子厚而致然耶自古莫不然我

又何嗟既嗟而又遣以理此聖賢所以過人此與嗟嗟保介惟莫之春無異

人之生世如夢

一覺

覺故效切下既覺同

其間利害竟亦何校當其夢時有樂有

悲

嚴曰列子言周之尹氏大治產慮鍾家業心形俱疲夜則昏憊而寐昔昔夢為人僕其下趨役者侵晨皆

弗息有老役夫筋力竭矣使之彌勤夜亦昏憊而寐昔昔為國君是所謂有樂有悲者耶及其既覺

豈足追惟凡物之生不願為材犧蹲青黃乃木之災

韓曰

莊子百年之木破為犧蹲青黃而丈之其斷在溝中比犧蹲於溝中之斷則美惡有間矣其為失性均也子

之中弃天脫馬羈

祝曰馬羈馬絆也莊子連之以羈馬韓曰羈馬絡頭也。馬知立切一作

繫

玉佩瓊琚大放厥辭富貴無能磨滅誰紀

樊曰太史公荅任安

書云古者富貴而名磨滅不可勝紀唯叔儻非常之人稱焉

子之自著表表愈偉

孫曰

表表卓立之貌洪曰退之文章多為流俗庸人妄改如表表愈偉嘗見一本改作表奏愈偉

不善為

斲血指汗顏巧匠旁觀縮袖間子之文章而不用世

乃令吾徒掌帝之制子之視人自以無前一斥不復羣

飛刺天

飛一作非

嗟嗟子厚今也則亡

一作今亡

臨絕之音一

何琅琅徧告諸友以寄厥子不鄙謂余亦託以死凡今

之交觀勢厚薄余豈可保能承子託非我知子子實命

我猶有鬼神

樊曰嗚呼子厚之靈亦可畏矣其卒于柳州也後三年降于州之後堂歐陽翼等見

而拜之撫是以觀公之所云不其然乎

寧敢遺墮

寧一作予

念子永歸無復來

期設祭棺前矢心以辭嗚呼哀哉尚饗

祭湘君夫人文

維元和十五年歲次庚子十月某日

一作維年月日

朝散大夫

守國子祭酒韓愈

樊曰按沈傳師所書公黃陵廟碑其後書曰其將修廟祭神文曰維元和

十五年十月某日朝散大夫國子祭酒護軍賜紫金魚袋韓愈謹令前袁州軍事判官

張得一以清酌之奠敢昭告於湘君夫人二妃之神

沈本

作湘君湘夫人二妃之神

前歲之春

孫曰元和十四年正月

愈以罪犯黜守潮

州

州一作陽

懼以譴死且虞海山之波霧瘴毒為災

一無以之字

殞其命舟次祠下

孫曰祠謂黃陵廟

是用有禱於神神享其衷

賜以吉卜曰如汝志

石本無汝字

蒙神之福啟帝之心去潮

即袁

孫曰十四年十月自潮徙袁

今又獲位於朝復其章綬

孫曰十五年九

欽定四庫全書

月自來召為國子
祭酒復賜金紫
退思往昔實發夢寐凡累年於今乃

合

累字或作三
或作四皆誤

夙夜悚惕

悚一作
悚

敢忘神之太庇伏以祠

宇毀頓

一作
損

憑附之質丹青之飾暗昧不蠲

石本作圭
圭潔也當

圭

不稱靈明

一作
明

外無四垣堂陛頽落牛羊入室居民

行商不來祭享輒敢以私錢十萬祈于邦伯

嚴曰邦伯
即廟碑所

謂岳州刺史王堪是
也石本無上四字

修而作之

孫曰公至京以私錢十
萬抵岳州刺史王堪請

修

二舊碑斷折

斷一作
中

其半仆地文字缺滅幾不可讀謹

修而樹之廟成之後將求玉石仍刻舊文因銘其陰以

大振顯君夫人之威神以報靈德俾民承事萬世不怠
惟神其鑒之尚饗

始將既修樹舊碑乃刻其文於新石因銘其陰舊碑石
既多破落文不可盡識移之於新或失其真遂不復刻

祭竇司業文

韓曰竇名牟長慶二年卒公嘗誌其墓此文
公自稱兵部侍郎則是年未使王庭湊前作
也孫曰元年七月公為兵
部侍郎二年九月庚寅遷

維年月日兵部侍郎韓愈謹以清酌庶羞之奠祭于故

國子司業竇君二兄之靈

孫曰竇牟字貽周扶風平陵人

惟君文行夙

成有聲江東魁然厚重長者之風一舉於鄉遂收厥功

樊曰此即公誌牟墓舉進士登第也孫曰登貞元二年第

屢佐大侯以調兵戎

樊曰誌所

謂佐六府五公也孫曰佐昭義軍節度使李長榮盧從史東都留守崔縱鄭餘慶等凡六府祝曰調如前漢十年不調之調詔曰予虞汝為郎中

樊曰誌所謂拜虞部郎中也孫曰元和五

年乃令洛陽歲且四終

樊曰誌所謂轉洛陽令也

惟刑之慎掌正隸

僮

樊曰誌所謂為都官郎中也蓋都官刑部之屬掌隸簿錄給衣糧醫藥理其訴寃

命守高平

樊曰誌所謂出為澤州刺史也

命副儒宮

樊曰誌所謂為國子司業也。副一作制

朱衣銀

魚象服以崇錫榮考妣孝道上窮官不滿能亦云達通

踰七八年孰非望公

樊曰誌所謂年卒年七十四一作踰七望八年孰非翁

在君

無憾我意不克君之昆弟

孫曰年兄弟五人常年羣庠輩

三以辭雄

孫曰

常字中行大歷十四年登第第輩字汝封元和二年登第及年為三雄矣

刺史郎中四繼三

同

孫曰謂年庠相繼為澤州刺史樊曰四繼三同則常年羣庠皆為之也

於士大夫可謂

顯融我之獲見實自童蒙既愛既勸在麻之蓬

補注荀子曰蓬

生麻中不扶自直

自視雛鵠

音冠

望君飛鴻四十年餘事如夢中

樊曰誌所謂愈少年十九歲以童子得見於今四十年也。一云四十餘年事半如夢

分宰河洛

金史卷之三十三
魏立並躬

樊曰河陽洛陽河南府二縣年嘗令洛陽公令河陽俱官於學以纖臨

洪

樊曰公為國子祭酒年為司業

惠詩不醅

詩一作許

報德以空死生莫接

孰明我衷於祭告情文以自攻嗚呼哀哉尚饗

祭主簿侯喜文

韓曰舊本作侯主簿繼恐非是詳觀公此文當是為侯喜作公嘗與喜漁于溫洛有詩云吾黨侯生字叔起呼我持竿釣溫水故此文有我釣我遊莫不我隨之語嘗薦喜於盧郎中陸員外其辭與此文所稱惟子文學今誰過之之意亦相表裏以是知非侯繼也

維年月日吏部侍郎韓愈

孫曰長慶二年九月公為吏部侍郎謹遣男殿

中省進馬佶

嚴曰退之諸子有名昶者長慶四年進士登第小說中亦載其為集賢校理曰符曰

爽曰殿中省進馬雖載於集而他處不見唯符見於孟郊張籍詩中耳

致祭于亡友故國

子主簿侯君之靈嗚呼惟子文學今誰過之子於道義

固不拾遺

周一作固拾一作捨

我狎我愛人莫與夷

補注夷等夷也

自始

及今二紀于茲我或為文筆俾子持唱我和我問我以

疑我釣我遊莫不我隨我寢我休莫爾之私朋友昆弟

情敬異施惟我與子無適不宜棄我而死嗟我之衰相

好滿目少年之時人之云亡

一作日月云亡

今其有誰誰不富

貴而子為羈我無利權雖怨曷為子之云葬我方齋祠
哭送不可誰知我悲嗚呼哀哉尚饗

祭竹林神文

樊曰公祭文二其一祭竹林神其二祭曲江
龍皆以旱禱其後賀雨表亦云季夏以來雨
澤不降臣職司京邑祈禱實頻謂
此皆長慶三年為京尹時作也

維年月日京兆尹兼御史大夫韓愈謹以酒脯之奠再
拜稽首告于竹林之神曰天子不以愈為愚不能使尹
茲大眾二十三縣之人今農既勤於稼有苗盈野而天

不雨將盡槁以死農將無所食鬼神將無以為饗國家
之禮天地百祀神祇不失其常惠天下之人不失其和
人又無罪何為造茲旱虐以罰也將俾尹者不仁不明
不能承帝之敕以化正其下聞無香惟腥孫曰書上帝
監降民罔有
馨香德刑發聞惟腥聞音問神于惠罰無差孫曰惠與罰
無差忒也施罪瘠于
尹愈身孫曰瘠猶病也
瘠秦昔切是甘是宜雨則時降神無爽其
聰明永饗于人無媿尚饗

祭曲江龍文

維年月日京兆尹兼御史大夫韓愈謹以香果之奠敢

昭告于東方青龍之神天作旱災嘉穀將藹乃於甲乙

之日依準古法作神之象

孫曰董仲舒求雨法甲乙日為青龍一長八丈居中為小

龍七長各四丈於東方丙丁日為赤龍一長七丈小龍七長各三丈五尺戊己日為黃龍一長五丈小龍七各

長二丈五尺庚辛日為白龍一壬癸日為黑龍一皆倣此

齋戒祀禱神其享祐之將

降甘雨以惠茲人

一有急急如律令五字

祭馬總僕射文

注詳本篇

嚴曰退之長慶三年冬自京兆尹復為兵部侍郎又遷吏部侍郎其為京兆也有舉馬總

自代狀今祭文稱吏部侍郎則總以是年冬死也

維年月日

孫曰維長慶三年

吏部侍郎韓愈

孫曰長慶三年九月公為吏部侍郎

謹以清酌庶羞之奠敬祭于故僕射馬公十二兄之靈

補注馬十二名總字會元扶風人

惟公弘大溫恭全德備天故生之

其必有意將明將昌實艱初試佐戎滑臺斥由尹寺

樊曰

貞元十三年四月以姚南仲鎮滑臺辟總為從事十六年監軍使薛盈珍誣奏南仲不法總坐貶為泉州司馬

適彼甌閩

孫曰甌閩泉州

跪跪跋躑

孫曰跪跪危也易困于跪跪孫曰詩狼跋其胡載蹇

其尾跋躑言進退有礙。蹇魚列切

顛而不踈

祝曰說文云踈

足跌也。孫曰：踣與踣同折也。○踣於卧切。乃得其地于泉于虔始執郡符。日樊

元和初總為遂殿交州。韓曰：殿鎮也。詩：殿天子之邦。孫虔州刺史。日四年以總為安南都護。安南

漢交州也。○抗節番禺。樊曰：柳子厚曹谿大鑒禪師碑云：總刺虔州都護。安南由海中

大蠻夷連身毒之西浮舶聽命咸被公德受旂纛節戟來蒞南海番禺即南海郡廣州也。本傳作桂管誤。孫曰

八年十二月以總為嶺南節度。○番禺音禺音愚。去其螟蠹蠻越大蘇。孫曰：總

長於政術在南海累年清廉不撓夷獠便之。於漢所立銅柱之處以銅千五百斤特鑄二柱刻書唐德以繼伏

波之迹以綏蠻功就如金紫。擢亞秋官。樊曰：自嶺南入詩曰：去其螟螣螟食苗蟲也。為刑部侍郎。

朝得碩士人謂其崇我勢始起東征淮蔡相臣是使。日孫

十二年七月以宰相裴度為彰義軍節度使仍充淮西宣慰使公兼邦憲以副經紀孫曰

十二年以總兼御史大夫充淮西行營諸君宣慰副使殲彼大魁殲將廉切厥勲孰似

丞相歸治留長蔡師

孫曰吳元濟誅總留蔡州為彰義留後奏改彰義為淮西十二月以

總檢校工部尚書蔡州刺史充淮西節度使

茫茫黍稷

黍一作蔡

昔實棘茨鳩鳴

雀乳不見梟鳴

孫曰總以淮西久陷賊寇人不知法威刑勸導咸令率化賊之偽迹一皆削盡

惟蔡及許舊為血仇命公并侯

孫曰十三年五月以總為許州刺史忠武軍節

度陳許澠等州觀察處置等使澠舊屬淮西故云并侯

耕借之牛束其弓矢禮讓

優優始誅鄆戎

鄆音

厥墟腥臊公往滌之茲惟樂郊

孫曰

十四年二月誅東平節度使李師道三月以總檢校刑部尚書為鄆州刺史天平節度鄆曹濮等州觀察等使詩曰適惟東有制祝曰制狂犬也淮南子制狗不惟西彼樂郊惟東有制自投於河○制音制又居例切惟西

有虺

韓曰虺蜥也許題切

顛覆朋鄰我餘有幾

孫曰七月沂州軍亂殺節度使

王遂長慶元年七月盧龍軍亂因節度使張弘靖成德亂殺節度使田弘正二年正月魏博節度使田布自殺三月武寧軍節度使崔羣為軍中所逐律萃中居

律音律萃慈恤切

斬其脊尾岱

定河安

孫曰河岱兗鄆之境嚴曰東平在河岱之間鄆州溪堂詩序云于時沂密始分而殘其帥其後

幽鎮魏不悅于政相扇繼變復歸于舊徐亦乘勢逐帥自置同於三方唯鄆也截然中居四鄰望之若防之制水恃以無恐故有惟公之題

題是也○

帝念厥功還公

岱定河安之言

于朝陟于地官且長百僚

樊曰十二月以總檢校尚書左僕射守戶部尚書

度

彼四方孰樂可據顧瞻鈞衡

一作鈞衡

將舉以付惟公積勤

以疾以憂及其歸時當謝之秋

祝曰謝致仕也

賀問未歸弔廬

已萃未燕于堂已哭于次

補注三年八月總卒

昔我及公實同危

事

孫曰謂同征淮蔡

且死且生誓莫捐棄歸來握手曾不三四

曾不濡翰醕酢文字曾不醉飽以勸酒哉

韓曰說文云載大醫也。

載側吏切

奠以叙哀其何能致嗚呼哀哉尚饗

弔武侍御所畫佛文

樊曰公太學彈琴詩序有武少儀者時為司業後以太常少卿兼御史中丞使南詔此所謂御史武君者豈其人耶韓曰武侍御或以為少儀或以為儒衡姓氏及官御史皆同未知孰是公不信釋氏故作此文

御史

一作侍御

武君當年喪其配斂其遺服擲珥繫帨于篋

祝曰擲梳也禮記咸盥漱擲縱筭總珥耳璫也繫小囊也禮記施繫衰帨佩巾也。○擲側瑟切珥乃吏切繫音盤帨始銳切月旦十五日則一出而陳之抱嬰兒以泣

繫一作繫

有為浮屠之法者造武氏而諭之曰是豈有益邪吾師

云人死則為鬼鬼且復為人隨其所積善惡受報

一無其字

環復不窮也

環一作旋

極西方有佛焉其土大樂親戚如能

相為圖是佛而禮之願其往生莫不如意

樊曰柳子厚永州龍興寺

修淨土院記中州之西有國曰身毒釋迦示現之地彼佛言曰西方有世界曰極樂佛號無量壽如來其國無

三惡八難衆寶以為飾其人無七纏九惱羣聖以為友有能誠心大願歸心是土者苟能念力俱足則往生彼

國然後出三界之外

武君憮然辭曰

祝曰憮然失意之兒

吾儒者其可以為

是既又逢月旦十五日復出其篋寶而陳之抱嬰兒以

泣殆而悔且曰是真何益也吾不能了釋氏之信不又

安知其不果然於是悉出其遺服擲珥合若干種就浮

屠師請圖前所謂佛者浮屠師受而圖之韓愈聞而弔

之曰

哲哲兮目存

祝曰詩明星哲哲注猶煌煌也孫曰哲哲形容潔白兒。哲音制一本下哲字作哲

丁寧兮耳言

孫曰免尚存乎目言尚存乎耳言死未久也

忽不見兮不聞

一無

兮字一作忽不見不有兮

莽誰窮兮本源圖西佛兮道予懃以妄塞

悲兮慰新魂

祝曰妄謂佛也。慰下一有斯字

嗚呼柰何兮弔以茲文

祭故陝府李司馬文

樊曰李司馬名邦雍王會七世孫長慶元年二月卒詳見公所誌邦墓。邦薄經切一本

無故陝
府三字

維年月日

孫曰維長慶元年
歲次辛丑五月日

守國子祭酒賜紫金魚袋

韓愈謹以清酌之奠祭于故陝府左司馬李公之靈曰

公學以為耕文以為獲發憤孤身復績厥家

孫曰邦生
未晬而父

卒母抱置之姑氏以去至五六歲問知本末因不與摩
兒戲能誦書百餘萬言於是縱學無所不觀績一作績

選于吏部亟以科進

孫曰以朝邑員外尉赴選顏真卿
第其所試文為上等擢為同官正

尉

歷臨大邑惟政有聲

孫曰歷試陸
渾南鄭令

遂丞宗正日朝帝

庭出輔陝都吏畏寮慕子婦諸孫盈于室堂

孫曰邦七
男三女內

外孫十人

公姑悅喜

姑一作始

五福具有大夫士家孰不榮美

如何不常以至大故嗚呼哀哉愈以守官不獲弔送

孫曰

是歲五月葬華陰縣

昏姻之好

樊曰郝子漢公壻也

以哀以悲敬致微禮公

其歆之尚饗

祭號州司戶十二兄文

樊曰司戶名岌公誌其墓甚詳。一本無號州司戶四字

月日從父弟某官某乙謹以清酌庶羞之奠敢昭告于

十二兄號州司戶府君之靈嗚呼惟我皇祖

孫曰皇祖名岌素仕

唐為桂州長史有子四人長仲卿秘書郎次少卿當塗丞次雲卿禮部郎中次仲卿仲卿生爰有孫八

人樊曰其孫曰會曰介曰愈曰俞曰爰見於世系表及公集者才五人又有彥為殿中侍御史死平涼之盟

其二人惟兄與我後死孤存柰何今日一作於今又棄而先

韓曰爰以元和元年卒于號生不偕居疾藥不親斂不摩棺瘞不繞

墳祝曰瘞幽隱也趨奔束制一作生生死虧恩歸女教男

反骨本原樊曰是歲九月葬爰號州北十里公意蓋欲異時反其柩而歸葬于先原故云其不

有年以補我愆長號送哀以薦此文尚饗

祭鄭夫人文

夫人公嫂

注詳本傳

維年月日

孫曰貞元十一年

愈謹於逆旅備時羞之奠

韓曰祭老成文

云吾往河陽遇汝從嫂喪來葬此云逆旅備時羞之奠云云孰云此來乃睹靈車必往河陽時也

再拜

頓首敢昭告于六嫂榮陽鄭氏夫人之靈

孫曰鄭氏公之兄起居舍

人會之鳴呼天禍我家降集百殃我生不辰

孫曰詩桑柔之詞辰

也三歲而孤

孫曰大歷五年公父仲卿卒公時三歲

蒙幼未知鞠我者兄

嚴曰李翱退之行狀云生三歲父歿養於兄會舍

在死而生實為嫂恩未亂一

年

祝曰亂毀齒也周禮與未亂者皆不為奴韓曰兄宦男八歲女七歲而亂。亂初新切又初謹切

王官提攜負任

孫曰負亦任也詩曰是任是負

去洛居秦念寒而衣念

飢而食疾沴水火

祝曰沴灾也。沴郎計切又音戾

無災及身劬勞閔

閔保此愚庸年方及紀

孫曰十二年曰紀嚴曰舊史云大歷十二年五月起居舍人韓

會坐元載貶官退之是時年十一從至貶所復志賦謂當歲行之未復從伯氏以南遷是也其後兄歿南方從

嫂歸葬河陽故李漢集序云先生生於大歷戊申幼孤隨兄播遷韶嶺兄卒鞠於嫂氏卒勤來歸

薦及

凶屯兄罹讒口承命南遷

孫曰大歷十二年宰相元載得罪四月會坐黨與自起居

舍人貶韶州刺史

窮荒海隅天闊百年

孫曰會卒于韶年四十二

萬里故鄉

幼孤在前相顧不歸泣血號天微嫂之力化為夷蠻水

浮陸走丹旄翻然至誠感神返葬中原

孫曰葬于河陽

既克反

葬遭時艱難百口偕行避地江漬

孫曰家于宣州嚴曰建中二年中原多故

退之避地江左即復志賦所謂值中原之有事分將就食於江南是也

春秋霜露薦敬蘋

繁以享韓氏之祖考曰此韓氏之門視余猶子誨化諄

諄爰來京師

孫曰貞元二年公自宣州遊京師

年在成人屢貢于王名

迺有聞念茲鈍頑非訓曷因感傷懷歸殞涕熏心苟容

躁進不顧其躬祿仕而還以為家榮奔走乞假東西北

南孰云此來迺睹靈車有志弗及長負慙懃嗚呼哀哉

昔在韶州之行受命于元兄曰爾幼養于嫂喪服必以

暮今其敢忘天實臨之

洪曰貞觀中魏徵令狐德棻等議嫂叔服云或有長年之嫂遇

孩提之叔劬勞鞠養情若所生分飢共寒契闊偕老其在生也愛之同於骨肉及其死則推而遠之求之本原深所未諭且事嫂見稱載籍非一鄭仲虞則恩禮甚篤顏洪都則竭誠致感馬援則見之必冠孔汲則哭之為位察其所尚豈非先覺嫂叔舊無服今請服小功五月制可公幼養於嫂服菴以報可為士大夫之法矣李漢序公文集及李習之狀亦云 嗚呼哀哉日月有時歸合塋封終天永

辭絕而復蘇伏惟尚饗

祭兄子十二郎老成文

樊曰老成公之姪率府叅軍介之子也介二子長百川季老成起居舍人會無子以老成為後老成生湘滂百川死公乃命滂歸後其祖介建中初公從會喪歸葬河陽遭中原亂與老成避地江南至是老成死于江南貞元十七年也斯文蓋公所謂善往復善自道者在當時無對後二百七十年歐陽文忠公為其父作瀧岡阡表始足以追配公此作覽者當自知之

年月季父愈聞汝喪之七日乃能銜哀致誠使建中遠

具時羞之奠告汝十二郎之靈嗚呼吾少孤

補注大歷五年公父

仲卿卒公四歲

及長不省所怙惟兄嫂是依

樊曰兄會嫂夫人鄭氏也

中年

兄歿南方

孫曰會責守詔州卒于貶所

吾與汝俱幼從嫂歸葬河陽

孫曰河陽河南府

既又與汝就食江南零丁孤苦未嘗一日相

離也吾上有三兄

樊曰公二兄會介其一闕

皆不幸早世承先人後

者在孫惟汝在子惟吾兩世一身形單影隻嫂嘗撫汝

指吾而言曰韓氏兩世惟此而已汝時尤小當不復記

憶吾時雖能記憶亦未知其言之悲也吾年十九

樊曰貞元

二年始來京城其後四年

嚴曰貞元六年也

而歸視汝又四年吾

往河陽省墳墓遇汝從嫂喪來葬

樊曰貞元十一年

又二年吾

佐董丞相幕于汴州

孫曰十三年七月董晉帥汴州辟公為節度推官。一無幕字

汝

來省吾止一歲請歸取其孥明年丞相薨吾去汴州

孫曰

十五年二月丞相董晉卒

汝不果來是年吾又佐戎徐州

孫曰是歲秋張建封

辟公為徐州節度推官。一無又字

使取汝者始行吾又罷去

孫曰十六年五月張

建封卒公西歸洛陽

汝又不果來吾念汝從于東東亦客也不可

以久圖久遠者莫如西歸將成家而致汝嗚呼孰謂汝

遽去吾而沒乎

而一作先

吾與汝俱少年以為雖暫相別終

當久相與處故捨汝而旅食京師以求斗斛之祿誠知

其如此雖萬乘之公相吾不以一日輟汝而就也去年

孟東野往

孫曰東野為溧陽尉

吾書與汝曰吾年未四十而視茫

茫而髮蒼蒼而齒牙動搖

邵太史曰文用助字柳子厚論當否不論重複檀弓曰南

宮緇之妻之姑之喪退之亦曰吾年未四十而視茫茫而髮蒼蒼而齒牙動搖近時六一文安東坡三先生知

之念諸父與諸兄皆康彊而早世如吾之衰者其能久

存乎吾不可去汝不肯來恐旦暮死而汝抱無涯之戚

也孰謂少者沒而長者存彊者夭而病者全乎嗚呼其

信然耶其夢耶其傳之者非其真耶信也吾兄之盛德

而天其嗣乎汝之純明而不克蒙其澤乎少者彊者而

夫沒長者衰者而存全乎未可以為信也夢也一有傳而字

之非其真也東野之書耿蘭之報一有則字何為而在吾側

也嗚呼其信然矣信吾兄之盛德而天其嗣矣舊本此句上無

信字汝之純明宜業其家者不克蒙其澤矣所謂天者誠

難測而神者誠難明矣所謂理者不可推而壽者不可

知矣雖然吾自今年來蒼蒼者或化而為白矣動搖者

或脫而落矣毛血日益衰志氣日益微幾何不從汝而

死也死而有知其幾何離

一作雖

其無知悲不幾時

一作悲不

知幾時

而不悲者無窮期矣汝之子始一歲吾之子始五

歲少而彊者不可保如此孩提者又可冀其成立耶

孫曰

汝之子始一歲謂湘也吾之子始五歲謂昶也其後湘登長慶三年第昶登四年第昶生綰家綰咸通四年衆

七年進士天之所以昌韓氏之後者如此孰謂不可冀其成立者耶

嗚呼哀哉嗚呼哀哉

汝去年書云比得軟脚病

比一作此

往往而劇吾曰是疾也

江南之人常常有之未始以為憂也

一無也字

嗚呼其竟以

此而殞其生乎抑別有疾而至斯極乎

一無極字

汝之書六

月十七日也東野云汝歿以六月二日耿蘭之報無月
日蓋東野之使者不知問家人以月日如耿蘭之報不
知當言月日

言一作時月日
一本皆作日月

蓋東野與吾書乃問使者

使者妄稱以應之耳

稱一作傳

其然乎其不然乎今吾使建

中祭汝弔汝之孤與汝之乳母彼有食可守以待終喪

則待終喪而取以來如不能守以終喪則遂取以來其

餘奴婢並令守汝喪吾力能改葬終葬汝於先人之兆

葬一無終然後惟其所願焉

一無焉字

嗚呼汝病吾不知時汝

歿吾不知日生不能相養以共居

一作生不能以相養共居

歿不得

撫汝以盡哀斂不得憑其棺窆不得臨其穴

祝曰窆葬也周禮及

窆執斧以涖匠師下棺也。窆陂驗切

吾行負神明

行一作何

而使汝天不孝

不慈而不得與汝相養以生相守以死一在天之涯一

在地之角

一作下

生而影不與吾形相依

而一作之

死而鬼不

與吾夢相接吾實為之其又何尤彼蒼者天曷其有極

自今已往吾其無意於人世矣當求數頃之田於伊潁

之上以待餘年教吾子與汝子

教一作養

幸其成長吾女與

汝女待其嫁如此而已嗚呼言有窮而情不可終汝其知也耶其不知也耶

一本無二也字

嗚呼哀哉尚饗

祭周氏姪女文

樊曰公兄俞之女適四門博士周況元和十一年卒其詳見公所誌墓公時為中書舍人

維年月日十八叔叔母具時羞清酌之奠祭于周氏二

十娘之靈

孫曰俞為開封尉女名好好

嫁而有子女子之慶

孫曰元和三年

周況登第公以好好妻之生一男一女

纏疾中年又命不永

孫曰卒時年二十七

今

當長歸與一世違凡汝親戚孰能不哀撰此酒食以與

汝訣汝曾知乎我念曷闕尚饗

祭姪孫滂文

樊曰老成二子湘滂於公為姪孫元和十四年春公自刑部侍郎出守潮州湘滂實從行

冬公移袁滂至袁卒詳見公所誌

維年月日

孫曰維元和十五年歲次庚子月日

十八翁及十八婆盧氏

孫曰

公夫人高氏盧氏

以清酌庶羞之奠祭于二十三郎滂之靈曰

汝聰明和順出於輩流強記好文又少與比將謂成長

以興吾家如何不祥未冠而夭

補注滂卒年十九

吾與盧氏痛

傷何言思母之恩連呼以絕執兄之手勉以無悲情一

何長命一何短權葬遠地

樊曰權葬滂於袁州郭南

孤鳧無依漚酒

告情哀何有極尚饗

祭李氏二十九娘子文

樊曰公之姪孫女也其李于妻歟公嘗誌于墓曰李于余兄孫壻也長慶二年卒穿其妻墓而合葬之其曰合葬者先于死也則二十九娘子者于之妻明矣

維年月日十八叔翁及十八叔婆盧氏遣祖

樊曰昶公之子長慶

四年登第嚴曰昶耻兩切退之以子字有之或云一名信小字符郎以庶羞之奠祭于李

氏二十九娘之靈曰汝之警敏和靜人莫及之姿相豐
端不見闕虧幼而孤露其然何為出從于人既相諧熙
又暴以大神何所疵生殺滅益竟誰主尸我哀汝母孰
慰窮嫠。韓曰嫠無夫也。嫠陵之切。我憐汝兒誰與抱持念此傷心
不能去離奠以送汝知乎不知尚饗

祭張給事文

樊曰張給事徹也元和四年登第詳見公所誌墓云

維年月日

孫曰維長慶四年歲次甲辰

兵部侍郎韓愈謹以清酌之

奠祭于故殿中侍御史贈給事中張君之靈惟君之先

以儒名家逮君皇考再振厥華鄉貢進秀有司第之從

事元戎謹職以治

孫曰皇考名休嘗佐宣武軍

遂拜郎官以職王憲

不長其年飛不盡翰乃生給事松貞玉剛幹父之業纂

文有光屢辟侯府亦佐梁師前人是似耄吏嗟咨

祝曰爾雅

注云八十為耄詩云逝者其耄○耄達給切

御史闕人奪之於朝大厦之構

斧斤未操府遷幽都頑悖未孚繫君之賴乃奏乞留

孫曰

長慶元年三月以宣武軍節度使張弘靖為盧龍節度使徹先為宣武從事累遷監察御史至是弘靖仍辟徹

為盧龍判官時牛僧儒奏徹為真御史弘靖遣之而密奏幽州不廷日久今臣始至須強佐乃濟行半道有詔以徹孫曰徹乃遷殿中朱衣象板孫曰徹遷殿中侍御史賜還之緋衣銀魚仍為盧龍判官惟

義之趨豈利之踐虺豺發釁闔府屠剥償其恨怨君獨

高脫露刃成林弓矢穰穰

祝曰穰穰多也詩豐年穰穰。穰如羊切

千萬為

徒譟謹為狂君獨叱之上不負汝為此不祥將死無所

雖愚無知慙屈變色君義不辱殺身就德

樊曰七月軍亂都知兵馬

使朱克融因弘靖於薊門館殺幕僚等以徹長者不殺置徹於弘靖所居月餘遷之別館徹出門罵曰汝何敢

反行且罵衆即擊君以死

天子嘉之贈官近侍

孫曰幽州監軍以

歸

於一死萬古是記我之從女為君之配

樊曰徹妻開封尉俞之女為公

之從子壻

君於其家行實高世無所掩葬

歐本掩一作於

與竟東歸

孫曰徹死或收瘞之其友侯雲長佐鄆帥請於其帥馬總遣人以幣請之范陽范陽入義而歸之詔所在給輿傳其家賜錢物以葬○輿一作輿誄以贈之莫知我哀嗚呼哀哉尚饗

祭女孥女文

樊曰女孥公第四女○孥汝加汝書二切嚴曰元和十四年退之貶潮州女孥年十二死于商南層峯驛葉葬道傍長慶三年二月退之為京兆尹始歸其骨而葬之河陽集有題層峯驛詩并壙銘

維年月日

孫曰維長慶三年歲次癸卯十一月日

阿爹

祝曰南史人歌曰始興王人之爹赴

人急如水火荆土方言謂父為爹。爹徒可切阿八使汝妳以清酒時果庶羞

之奠祭于第四小娘子拏之靈嗚呼昔汝疾革

一作亟又作殭

值吾南逐蒼黃分散使汝驚憂我視汝顏心知死隔汝

視我面悲不能啼我既南行家亦隨譴扶汝上輿走朝

至暮大雪冰寒

作天一

傷女羸肌

作女一

撼頓險阻不得少

息不能食飲又使渴飢死于窮山

樊曰元和十四年正月公以論佛骨貶潮

州掾子年十二在病輿致走道撼頓失飲食節二月二日死于商南層峯驛

實非其命不免

水火父母之罪

孫曰昭十九年穀梁傳子既生不免乎水火父母之罪也

使女至此

豈不緣我草葬路隅

樊曰等死即瘞道南山下

棺非其棺既瘞遂行

誰守誰瞻寬單骨寒無所託依人誰不死於汝即寬我

歸自南乃臨哭汝

孫曰元和十五年九月公自袁州入為國子祭酒

汝目汝面

在吾眼旁汝心汝意冤冤可忘

冤冤一作宛宛

逢歲之吉致以

先墓

樊曰長慶三年十月四日公尹京兆發其骨歸葬河陽○以一作沒


無驚無恐安以

即路飲食柔甘

柔一作芳

棺輿華好歸于其丘萬古是保尚

饗



五百家注昌黎文集卷二十三